

光緒鎮海縣志

鎮海縣志卷五

公署

自營國之制詳於匠人凡六官之長下逮比長族師莫不有官府之地用以蒞政臨民謂之署者本魯語孟子之言曰夫署所以朝夕虔君命也考說文署字從网若網在綱有條不紊意深哉鎮邑揆文奮武各有攸司履其地者朝而聽政夕而考令亦思無負所居斯可矣

縣廳梁貞明二年立宋雍熙元年主簿李齊修建炎四年燬於兵紹興元年令蓋大淵重建清熙四年三月令陳公亮再建縣門其上爲敕書樓紹熙五年樓圯於風六年令

韓永德重建

寶慶志

元至元十三年燬於兵二十九年達魯

花赤馬合沙刺重建未克就緒三十一年縣尹李輝完之

延祐志

至治二年邑長忻都重修

至正志

袁桷有記

見金

明洪

武二十五年令袁尙敬重修縣廳三十四年令陸本重創

幕廳庫廊

浙江通志

永樂間圯正統初知縣戴鍾重建

成化郡志

正廳三間名忠愛堂

舊名牧愛

左為架閣庫

今改平屋三間為寅賓館

庫之

左為贊政廳右為儀仗庫

舊圯後建平屋三間中為庫藏西為外庫東為宿衛所令王夢

彌以守庫宜嚴於庫南接建守護房緣以周垣以宿兵衛其東間改為架閣庫以貯堂樹版籍各年征冊及關糧產

源流悉令收架

東西列曹吏房科各九間

今東廊為承發吏戶禮鋪招外

貴總科典守

兵科計六間西廊為兵刑

工科三間南皆接建倉廩

中為甬道為箴石亭

碑陰刻公生明三字

亭之前為儀門三間門之左右為預備等倉門外東為土

地祠西為獄禁南為大門三間門內之左為鹽倉

久圯今於左右

各建穀倉五間

外為阜成坊旌善申明二亭東西榜房各五間正

廳後為堂凡三間

外設宅門

堂後為內宅

嘉靖志

今堂後為

南為書房三間又南小房三間川堂西書房四間又南三間川堂後正房八間東廚房二間內宅正樓五間東西廂房各三間樓西小房二間再西為長廊為箭廳為疏圃後為池

案嘉靖志所載未註明建自何時姑附於此

正德間令陳軾鄭餘慶各加修葺

嘉靖府志

張邦奇有記

見金石

嘉靖間令宋繼祖重修令何愈復修火攻庫三間舊在縣

後歲久傾圯移建縣西

嘉靖志

豐道生有記

見金石

萬曆十八

年令汪應泰重修

王令志

黃獻吉記

夫營繕之役難言矣自舊貫訓於魯論而改作者見以為擾大壯演於周易而因循者見以為陋

擾則累民陋且辱國二者將何取衷哉夫惟裏天時協地宜緣人情而有作焉斯善乎無以議爲矣浙之險要在海海之門戶在定是故建邑治以主民社建幕府以詰戎兵幕府軍容也非壯麗無以蓄威縣治國容也非整齊無以昭德而定孤懸海外密邇島夷創始者旣不知相厥陰陽繼續者又不能新其簡陋夫陰陽不協則何以發地靈簡陋相仍則何以繫民望且也幕府如彼邑治如此甚非昭代古文意也當事者爲國家計久安爲地方建長利廉侯治暨陽破巨奸翦劇盜績效殊等海門鎮鎗非侯莫寄請於朝使更治奸翦劇盜績效殊等彫敝之邑宜先惠和雜處之地宜先威信師旅歲出旣不可以民廢兵饑饉薦臻又不可以兵病民蓋於心獨苦而於賢獨勞久之交章薦焉定父老謂耳目所覩記未指使者同聲賢之交章薦焉定父老謂耳目所覩記未有赫赫如侯者也侯於政成之暇周覽邑治意欲更新適值年饑以待樂歲無何颶風發屋官舍益圯定諸父老相率而請曰此豈天意厭故喜新欲令風伯爲之驅除耶夫歲訕不可以舉羸矣不曰一勞乃可以永逸乎侯誠主議於上吾富者輸財貧者輸力不日之功可告成矣侯乃白之監司以舉工而邑民歡如子來衆赴如雲集先葺其堂次而階以辨等級次而門以容軒蓋次而坊闕之使可旋也次而井政之使可食也次而亭申

明旌善示勸懲也次而正廟門別獄戶安幽明也次引
縣內之溝而合於前使有統也次通縣西之街而絕其
後使無犯也蓋千古之靈秀發於一旦百年之簡陋新
於不日然而民不告勞官不告贖視者新目聽者新耳
此無他以天道有廢興乘之者成地有陰陽協之者
昌人道有欲惡緣之者助定諸父老謂余與侯有一日
之長徵言記之且告余曰定兵強民弱兵富民貧由來
非一日之積矣自侯之扶植吾民也而始免於弱自侯
之撫字吾民也而始免於貧吾子記諸余應之曰諸父
老其毋以兵民而異視強弱貧富異論也方今大將軍
節制嚴明諸參佐部伍整靜如林之旅凡以衛民何強
之嫌樓船接衝海波不揚使定之民得安享無疆之利
何貧之慮侯與大將軍交歡如平勃相須如臂指琴堂
幕府鼎峙雄長以蔽滄桑此所謂長久之術也諸父老
其以是落成侯姓汪名應泰古博野人萬曆丙戌科進
士初任諸暨於萬曆十六年更任定海又二年而重修
治縣

萬曆二十七年令朱一鶚重修縣署唐令志天啟間令顧宗

孟加修浙江通志崇禎間令龔彞築後樓三間唐令志令楊芳瑤

增葺縣廨

浙江通志

宅內舊有瑞菊亭四知軒錦春樓廣瑞軒

白華朱鄂亭皆見堂

成化郡志

瑞菊亭令張重華有詩并序

見金

石令顧宗孟築瑞菊軒

采訪

謝泰宗記 今之為邑宰者有暇乎語云國家閒暇及是時明其政刑則其暇在刑平政明之後故善也夫政既明刑既平綱維大舉而條目餘緒及之安所弗暇也在昔羔羊大夫凜凜風夜拔出公忠之屬而無私時則滿心城雉者何限然自公遵委蛇之節修業有游息之鄉凡琴堂有未解之愠退而紬繹其所為以永觀厥省亦絃歌所不廢也邑署之私先賢有栽五色落蔭於此而構之軒名曰瑞菊夫菊亦安得稱瑞哉歧麥元黍白鹿朱草史冊所常見何止一菊而五色者或膏榮蘭純歲無并隔之患門絕石壕之呼耕者在野織者在房其家瑞矣資富能訓惟以永年言孝者與子言悌者與弟是混吾在下倍堯在上無復有三革而定五刑建鼓不出庫刑瑞之見於人大也且偃三革而定五刑建鼓不出庫庫鞠侯馬真止豈非有國之大瑞哉彼一草一木亦沾濡於王化從德教中生之色我侯豈獨意於是者哉惟是播聞不聞赤臭之氣農桑雞犬用服先疇猶菊之受

滋培於雨露散寡屬歸合由以壽聖平富而不務咎庶
幾察寡皆蓋平猶菊之可以延年而愈疾也穀連熟
遮育用一緩二令民亡鄰而補養之昔積菊之不披折
於淒風霰雨知治菊之道愈知所以治民者矣昔有生
積牛而還之官者有捕木枕以爲愧有在官爲書以爲
風流罪過者皆慢語也卽此數樣無亦先勞者六思之
地畫有以國事夕有以退思公殆將旆衣袂舞教萊氏
子於斯地也蓋云少孤以退思公夫人爲師其堂皇嚴
萬慮咸獲太夫人每臨軒問焉聞一善卽進一疋嘉一
事卽挾一纊公之爲此舉蓋以致愛日之歡於太夫人
無言之治早召子來矣夫天地吉祥之氣孰有莫於不
廣之至誼卽歧麥元忝白鹿朱草所自來也瑞不在菊
在公之孝矣孝孚於天而民應之孝爲於人而物彰之
斯瑞菊之所由名乎公欲容對曰以余處莽其終未習
誅鋤束帶見督郵以老母之養無錢除酒饌地地未
公也不知治菊又安知治民之養無錢除酒饌地地未
瘠多罔詔者無以給應聲之正方再災釋診之衆與
瑞焉又勞民力也誦斯言也公之治民至矣知其所以
治思其未始治者而欲亟至於治卽治菊甯有遠是乎
然公過陶一甘矣陶對菊惟以酒適趣公修松蘿以是
軒爲南陽之瑞以谷藉其液效太夫人前躬勤香露
乎蓋由家之瑞以及民由民以及國瑞菊之名勇健全

載去矣侯名宗孟

魏右曾記余自蒲濤移怡蛟川見前令實去德題署

之西齋曰瑞菊居且云署中有瑞菊亭已真如舊處蓋

古蹟之湮久矣嘉慶壬戌夏天作淫雨幾害禾苗余方

以爲憂適於署東顏垣中得華亭張君重華瑞菊詩石

刻觀其序知爲丁公衡嶽宰定海時事案鎮海本古定

海康熙二十六年改今名由是年溯至梁開平三年名

定海始宰是邑者惟前明神宗二十一年有丁鴻陽保

丹陽人意者衡嶽即鴻陽別號賦未幾又於西園海角

廟中得丁公鴻陽所自題瑞菊詩石刻洵乎若合符節

矣夫物之稱瑞遇乎時耳菁莪棣樸猶草木焉一入於

盛世之詠歌或以與百朋之錫或

以美作人之化瑞何如乎今我

聖朝久道化成丕冒海隅民物同登仁壽固已不言瑞

而無所不瑞矧此碑一出而久雨忽霽禾苗長發歲則

大熟是瑞菊之應時而出不尤彰明較著者歟亭之舊

址既不可考爰卽移碑於瑞菊居以誌古蹟之湮而復

顯而感召庶和更爲守土

者所不容稍忽也是爲記

薛士珩飲丁鴻陽瑞菊軒詩使君張高宴樂矣信悠

哉分畧春溫鴈襟舒秋色開金卮泛紫菊瓊席展晴梅

碎影凌波動微光拂欄朱墨殊疑問
承星河落更長漏箭聲寒夢寐竟何
章材黜黜公為嗟嘆二三子期飲黃金

國朝順治初令鄭元成加修志十二年令朱承命修大

堂大門儀門功未竟康熙七年令王元士加修并州堂內

署預備倉重建贊政廳東西廊房築四圍牆垣王令二十

五年令周家齊重修唐令志二十七年改為鎮海縣正堂三

間曰親民堂後為見心堂湘江通志三十五年令唐鴻舉造東

大有倉五間西預備倉五間唐令志乾隆六年令楊玉生修

葺衙署重建後樓更在大堂西首添造常平倉六間十三

年令王夢弼重修兩廊科房建庫南守護房修內宅東廳

及靜虛齋三間并曦軒一楹十五年建常平倉三間於庫

房右

乾隆志

道光二十一年英夷蹂躪被燬邑人捐貲重建

同治元年髮賊陷城又成瓦礫一片克復後辦善後事宜
國邑公捐復建而輪奐爲之一新頭門五間東爲土地祠
三班公處五間西爲元壇廟旁爲外監門三班公處五
間捕班公處一間儀門五間門東空地一方直進門五十
步舊爲捕廳署今改築庫房三廡移典史署至西首舊爲
簿尉署中爲兩道箴石亭仍刻公生明三字東廊承發科
三間禮科三間財神殿一間戶科三間吏科三間西廊倉
廩三間工科三間科神殿一間刑科三間兵科三間由月
臺至大堂東爲迎賓館西爲聽事房進宅門捲蓬一道有
東西門房六間二堂東首曰卷石山房西曰瑞菊居有碑

嵌壁間西門房後展有內庫四小間庫旁有井庫後有海
角廟由瑞菊居折而西北爲幕賓房共三展計十六間再
後新建四面亭爲公餘游息之所自二堂過三堂至內宅
五大間東西軒六間署宅後爲聽潮樓五間卷石山房後
爲庖廚爲茶房直入腰牆內爲東廂房三間聽潮樓牆外
爲荷池橫亘數十弓元壇廟間壁外監門至更夫房一間
折南爲外守宿房一間女獄二間周環更道四面繚以內
牆入內監門北爲獄神殿爲北籠三間旁爲守宿房爲竈
間南則南籠四間旁有井一外監牆外亦有井一

采訪冊
兼工科

圖繪上
詳記

卷石山房同治二年克復後建令許嘉德有記

采訪冊

許嘉德記

東軒舊址在後落此乃作庖廚今易之與

西軒對峙左右庭中向有舊石已卧沒於瓦礫堆中仍
出移軒前即顏其額曰卷石山房以誌故石之未
湮亦以見攻玉爲借之一助爾時同治戊辰十月

縣丞署在縣東一百二十步宋崇甯五年建寶慶志縣宅東

嘉靖志頭門三間土地祠三間大堂四間住宅四間書房二

間廚房一間乾隆志同治二年重建頭門四間東一間爲土

地祠東有大樹一株西班牙房二間大堂三間二堂五間東

有花廳一間捲簾一道左右廊屋各一間住宅五間東首

庖廚二間采訪冊

典史署縣東八十步宋淳化元年建寶慶志縣署廊之東

嘉靖志頭門一間儀門一間東奉土地祠一間西班牙房一間大

堂三間住房六間乾隆志署前在縣儀門折而東同治二年

改築庫房移署於縣治西首舊爲簿尉署故址頭門三間左右班房各一間二堂五間西爲花廳捲蓬一道廊屋東西六間住宅五間兩旁各二間

采訪冊

教諭署

詳學校

訓導署

詳學校

水師營叅將署在縣治西王施衙舊係總兵府萬厯二年總兵移駐指揮衙門改爲叅將衙署頭門五間儀門五間大堂五間東畔簽押廳一間題曰忠武堂西畔棧房一間住宅五間西廊軒六間西廊外箭廳三間額曰問心

浙江通志

道光二十一年英夷入城報威令士德剝皮之讎殮屍於署頭門外事畢焚署克復後捐貲重建同治元年兵燹克

復後公捐復建鼓亭二間旂臺一座頭門五間儀門五間

大堂五間

有歷任參將題名碑

閱臺五間東花廳三間

舊名雙桂廳

倒廳

三間宅門一間土地祠三間西科房三間內堂平屋五間

東西軒房六間箭廳三間後展樓屋三間

今儲軍裝物件

廚房一

間連楹小屋二間東倒廳前池一方西箭道井一口後府

更房一間

宋訪冊

水師營守備署在縣治西北隅西長營衛康熙八年守備

苟天麒價買民屋改築公署頭門三間大堂三間內宅樓

屋三間并兩廊軒屋各半間又小屋一十六間三十九年

樓屋燬本營照舊捐造

乾隆志

同治三年間重建頭門三間

大堂三間後展樓屋六間左首樓房三間平屋三間土地

祠三間科房二間照牆前空地一方

采訪冊

水師左營把總署在霽衢所城鎮七都舊有門房三間大

堂三間後晨住屋三間右側營房十四間旁有藥局池後

有營房池

采訪冊

清泉場鹽課司署在縣南崇邱鄉覺海院東

寶慶志

自康熙

五十三年傾圯歷任賃居山下覺海寺僧舍辦公

乾隆志

乾

隆年間歷任修復今大門三間中為廳事三間兩廊各二

間後為小廳三間西為官廨迴環十間南為蔬圃嘉慶二

十二年場司朱錫齡增築花廳左右小軒各二間

陳志

張子忠清泉署中詩 是處峯高插曉雲綠林深處號
神君性從海覺歸何岸心似泉清味亦芬鋪寫春光風
作致飛揚逸興日為羣虎來消
息蘭芳下馥郁枝頭結意殷

穿長場鹽課司署在縣東南四十里靈巖鄉中爲廳事三

間後爲川堂一間又爲後堂三間外爲門東爲官廨

嘉靖志

龍頭場鹽課司署在靈緒三都去縣一百里宋開禧元年

置

寶慶志

天啟年間歸併清泉場兼理官衙僅存基址

國朝乾隆五年巡撫盧焯題請復設九年場司沈昂請帑

照依舊址復建大堂三間頭門儀門各三間住宅三間并

兩廂房東西各長三十五弓南北各闊十三弓署後及兩

邊有司後倉基

乾隆志

管界巡檢司署本今簿廳之地

縣東南百步

宋嘉祐八年移建

解浦在縣西北六十里

寶慶志

舊在解浦城內圯廢多年今

在龍山所城內永樂寺棲止辦公

乾隆志

長山巡檢司署在縣南四十里嘉靖志舊在蘆山圯廢已久

所遺基地於崇禎年間緇流構菴棲息司是土者賃民居

房辦公乾隆志

穿山巡檢司署在縣南九十里嘉靖志今署廢賃民居辦公

乾隆志前在泰邱三都一畝長山頭道光庚子年移至海晏

二都一畝穿山地方大堂一間東西廂房六間頭門三間

大門外土地祠一間大堂後捲簾一道住宅三間廚房一

間采訪冊

陰陽醫學在縣治西嘉靖志今廢乾隆志

僧會司在回向寺嘉靖志

道會司在端德觀嘉靖志

公所附

大有倉三間恆足倉三間並在縣大堂東廊 預備倉七間在儀門內東側朝北 永裕倉五間在儀門外東首 屢豐倉五間小西倉三間並在大堂西廊下 常平倉三間在儀門內西首朝北 阜成倉五間在儀門外西首 新建常平倉六間在大堂西首朝南令楊玉生建 新建常平倉二間一在縣令新建之北一在廣仁倉之北令王夢弼建 廣仁倉三間盈積倉三間並在楊令新建之西邊

官倉即今名新倉在倉河之南大門三間大堂三間東西兩廊共十四間東西夾廊又十四間同治二年克復後雖

未被焚燬而寥落破敗不堪尙未修葺

采訪冊

案新倉大堂有勒石永禁碑別縣建立縣署大堂
鎮海縣衙署兵燹後已燬縣令暫寓於此故碑亦
置焉

校士館在邑廟西舊傳爲軍門府地基東西闊十二丈南
北長四十五丈大門一展儀門一展左右兩廊俱石柱桌
腳凡一千餘號大堂一展二堂一展後樓瑤光閣一展落
成於咸豐丙辰十二月邑中王氏建造姚燮爲記後燬於
同治壬戌匪擾克復後辦善後事宜餘貲又重建焉

采訪
冊

姚燮記

聖清御宇之康熙二十有六年

詔定為中學其俊秀由縣官應試者數之森緒率不外

七八百人或有奇試之時每在冬末春始試之地則就

治廨局門授題凡堂皇廊廡聚更舍生機滿後至且多

戴蓬露處者重裏不暗短肘相細席簾天障無勝間值

風雨灑卷參然颺颺搖搖然雖有聲才與暢其所至

僉以為非恆計也然卒無所計邑紳職教入品衙王君

咸亨偕其弟議敘鹽運司運同衙咸章並以縣試第一

入庠遂起任校士館之建事未果齋志以取咸亨之家

子議敘同知銜

欽賜舉人福昌仲子

欽賜舉人加內閣中書際昌承其先志請於營相治東

軍門府故址曠可營造爰經始焉自門及廡凡四重自

堂及前從左右寮序凡六十餘屋自東及西之闊凡一

十有二丈自南及北之長凡四十有五丈自土木丹漆

工歲所費凡二萬餘緡自成豐五年乙卯八月及丙辰

十二月乃成凡一年有五月既成於自亭上而下內

達外明文疏交輝密奧深穆卑秋無患盛陋無書下走

無潤雜之辱育隸無喧擾之繁行到有經休止得所以

此庇蔭善苗培養初終顯顯功也永承德也執德茂風

重懲勉在爾土於是同縣舉人姚燮敘所由來以刑元
石其辭曰開治函雨可鴻其流高華惟峻果始一邱外
弁之倫升選之數譬諸嬰孩字在慈母海隅雖僻代賢
生賢焉有成業不因資先沐浴致澤跡爲芳務味惠轉
蘭辛爾了故舉哉太原建館於鄉引經定制羅抄得綱
傳我官司之俾我士弟之若或體之載振而啟之有穹
者開有輝者堂服習古訓聿來踴瞻日金曰鏐儲爲上
資建鼎鑄頑人又始造竟厥考之志答我
皇之恩學哉太
原名永茲茂存

演武廳在縣治東北鼓樓北舊係衛指揮署萬厯二年改
爲總鎮府康熙二十六年總兵移駐舟山署卽頽廢雍正
三年叅將呂瑞麟詳改教場乾隆二年叅將張兆隆詳動
公糧建廳屋三間走廊二間廳後鋪築天井外建旗臺一
座道光二十一年夷燬克復後辦善後事宜重建大堂五
間加前遊巡五間後展裏堂五間左右兩廊各二間廚

在焉采訪

冊

謝泰宗記

演武廳之在蛟邑不獨蛟一邑之武是演

也其司兩浙關隘為東南半壁障網山於有年使海於

有弊設險重關哉不顯方叔七德用休九章鞠旅以春

秋耀吾軍士又甯第師中之性命是繫者吾不敢謂凡

演武場皆霸上棘門然此真以細柳稱舊廳基高二丈

許廳高四丈五尺廣凡七十尺兩旁各三楹為諸偏裨

小歇處背座招買山之腰麓屹然負重左築壇樹森羽

葆幢鼓吹鑼奏者各列以臺好樓居矣左顧則大江滔

星浴日苦助輪設之勢右顧之而城巍巍然豪洩洩然

戰卒之所居虎視而狼踞俯視其場何啻齊勞賓十萬

橫磨馳試於其中哉歲癸巳夏王師初勦渝州稅駕於

此以俟船工之畢既凱奏而風雨傾之一夕也豈天厭

歐德將欲放馬牛於桃林華山之渚乎抑為不用命者

示儆也於是即其未盡傾者支之以柱覆之以茅龍泉

常公曰以吾領戎十五年於此未嘗一櫟之謀為家營

者惟是步伐止齊之地兵植木斲羊角鼓鐸相望號令

風雷所謂居以成其事者夫師之出受斧鉞於斯斧鉞

而返報無後治於斯不獲敘乃甲冑敵乃干之為中軍

作好也以師武臣力投超之餘亦奚所弗具毋乃征繕

耳固實良有司事我乃從邑大夫而奪之權以彰武備

之弗修以爲不如已者指摘豈敢哉無亦逢執事之不
間以鳩工庀材於歲月奈此上漏下涇審錯規慮者其
亦不有甯宇何服以布堂堂之陣展填填之旗挺鉞搢鐸
挾經秉枹成然望矣卽屬之定令朱君以飭具而經始
如火如墨失其良亦由舊之業而增其式廓也豈觀美爲
魏如煥如答不可偃於家刑罰不可弛於國况鯨鯢方恣
哉夫怒答不可會哉蒐苗獮狩奔走以習武徵發期會
肆不殄厥愍之門之格踊踴之能猶爲帥都君子有守
號令以講武翹肉也同路轉鼓琴驕射犬哉且是射之
心而無使髀生肉也同路轉鼓琴驕射犬哉且是射之
中循瓦由胸沃朝甘蠅昌衡故非生而知之者三日不
彈無以剪手生之荆棘何有他賦脫地所以嘗吾技乎一
共之賞與衆厲之一否之罰與衆形之所以爲盟主也
仰青天俯大衆元戎嗾尊身亦在賞罰之中龍泉公其
亦攸躋攸芋而益勤所以保障圖哉以余聞唐太宗引
諸衛將習射德益勤論曰無事則爲汝師有事則爲汝
將公日偕持戟之士試六鈞之顏高於是聽誠將而師
是兼者也太宗久曰吾觀敵陣則知其強弱今奈何不
講於此青青之草盈階砌矣然李廣不擊刁斗岳飛悉
屏古法入陣六花三疊亦運旋在心耳朱序曰戰勝之
道第在能忍能忍故水可蹈而生死可忘也公不亦
猶是志哉武廳壁設未嘗爲彌牟棋盤計者欲造諸士

以李岳二將是法也然經武之要首在得地形今與我
爲難者其形在水不在陸公誠登是廳而觀於海亦有
餘皇舳艫爲武具習流沒人爲武卒安見不足乘風破
浪以翦滅此朝食也不然何關鍵兩浙爲而徒春秋蠲
吾軍士矣

乾隆志案曰舊演武場有三一在東郊候濟山下
今塘外東首卽其地約廣百畝雍正三年移於城
中此地遂廢爲荒土一在西郊卽今化身菴側約
六十餘畝名白營移鎮後民陞課作田

案乾隆志載邑生王鶴遷請復教場舊址議今入
古蹟

軍裝局在雙司前大門三間一展後展樓房三間夷燬後
未重建今賸空地一方

采訪冊

火藥局在北城虞提學屋後

采訪冊

春藥房去火藥局數十步舊爲春藥處今圯

采訪冊

育嬰堂嚮設府城佑聖觀乾隆五年郡守包超檄縣令楊

玉生與鄞慈各邑會議每月各捐膳米二石轉詳報可勒

石永遵十二年郡守杜甲又以不支札諭各縣加捐一半

鎮海應解米三十六石歲如額

乾隆志

新建育嬰堂在教場西北側後大街東口邑人徐裕德募

捐買民房改造基地二畝五分六釐四址丈尺俱載明徵

信錄前宸朝南平屋五間東西各四間中宸正屋七間左

邊官廳右邊醫客廳坐東朝西平屋四間一衛水井一口

後園水池一方蔬地一畝二分共計大小屋宇二十一間

一 衡光緒元年舉人陳繼揆等聯名公稟各上憲在案又
於光緒五年徐裕德等稟府憲宗批前鎮海應解郡
城米叁拾陸石實解貳拾肆石每石折銀貳兩肆錢撥歸
本邑育嬰堂支用嗣後毋庸解府委員前署石門縣知縣
吳鈴奉憲札委勸捐各捐戶陸續輸捐迄有成效其田畝
數附後

宋詩

宗源翰記
帝王亦罔

保赤慈幼之道自三代時已有明訓後世
不以此爲仁政追我

朝

列聖相承
之前數年
聖主好生

尤重人命民間有弱嬰者以故殲子孫律治
又因臺諫之言令各行省廣設育嬰處所
之德真與天地同矣嚮者中丞楊公撫浙宣

揚

上德嘗命
奉檄辦理
屋之經費

屬員馳赴各部設法保嬰而吳大令花韻實
鎮海縣嬰堂之事勸化最爲有方至構地營
則蛟川紳士徐慎庵周衣谷與鄰紳包礎潤

等之力居資者絡繹下之事初規而嬰堂命既在於至加以寒經理認真所以延其獨辦也是諒係老成堂督率管功過實力第恐久之易之可也而責任最始之人頗人難免以川人土果聖天子好海間之戶奉憲撥又撥崇邱

多堂之告成也在光緒二年之春月聞風輸始不絕甚矣海濱之人樂善有同心也雖然天所繫更重襁褓之物得乳則生不得則死性呼吸而鞠育者又非己之父母哺之未必周暖饑飽疾病痛癢呱呱者豈可待乎收養嬰兒隨時督察彼乳婦問知豈可恃乎收養嬰兒命也一有蹉跌咎在我矣然而主者勢不能全在佐理之得人大抵嬰堂每月必有司事端重之士所值之人必當不論寒暑暑親自來堂人等逐日看驗嬰兒計其肥瘠以定乳婦誠心視之不啻己子庶嬰兒可免意外之虞藐為具文則尤在歲終會議有怠玩者公論須知此堂在義舉中為第一善事關係甚重大多以實心而行良法故法立而利溥繼起之多以實心而行良法故法立而利溥繼起之良法而濟私心故法做而害生嬰堂之建蛟能好善為念屢世相仍垂諸久遠以仰體生之盛意將見赤子熙熙其登於衽席而山口日增詎非守土者之所厚望哉是為記海雲庵東管鄉北民田貳拾柒畝伍分伍釐鄉民田玖拾貳畝捌分伍釐兩共田壹百貳

拾貳肆分尙有未繳田貳拾玖畝陸分俟撥入後再入
鄧縣吳金房助崇民田捌畝貳分又助滑川門外附城
東首屋基地貳分
本邑金友房助北民田肆畝叁分
本邑怡怡堂周助北民田伍拾畝
本邑唐錫琳助小南門外汪家埠頭牛角尖平屋叁間
又東首產地壹方

養濟院在小西門外基地五畝一分五釐向建正廳三間
祀土地三元等神兩廊蓋造房屋各十餘間外設頭門繚
以周垣年久傾圯雍正八年令張瑛趙應召奉文前後估
計請建十二年令李寶默重建五架平屋一十四間乾隆
六年令楊玉生添造東西軒屋四間十四年七月風潮溢
入院宇全圯令王夢弼將基址填高築隄栽樹編棘代垣
詳請估建七架房屋正房朝南一十一間東西繞護八間

內捐建中堂一間以爲官司臨院查點散糧之所外設頭門區分男女院落照舊拓大典史張聖言殫力督理闕兩月工竣正額孤貧六十七名每年額設柴布口糧銀二百九兩五錢三分五釐零加增口糧銀七十六兩三分三釐零共實銀二百八十一兩四錢額外孤貧五名每年口糧銀一兩六錢三分九釐零

乾隆志

公善堂在南門米行街南首邑人顧心田捐買民地建造設立醫局施送診方并膏丹丸散等項又設義塾延師訓蒙其屋自東至西丈量得三丈九尺東首南北量計七丈九尺西首南北量計八丈一尺前後兩廡坐南朝北各建樓房三間東西兩廡樓各一間西首城下四架小屋三間

南北量計二丈一尺東西量計三丈四尺奉撥海雲庵田五十畝現經開割過戶田叁拾壹畝七分其餘拾捌畝三分俟秋收後歸清足數光緒元年五月陳繼聰謝仁澤沈開祥陳熊等聯名具呈在案三品銜升用道甯波府知府

有記

冊 宋訪

宗源瀚記 余自光緒戊寅蒞任四明見是邦人士頗多樂善好施而蛟川則有創建九峰書院振文書院育嬰堂諸善舉余甚嘉之今歲庚辰春蛟川舉人陳繼聰等又以公善堂構屋已成刻徵信錄求余爲記刊石立碑以垂永久余忝守是郡敢不成諸君子之美意而以一言相勗乎夫公善堂者爲貧民疾病無醫藥讀書不能從師及童孩種牛痘而設也其施惠固甚溥然而務其名尤當課其實延師來堂屆期果風雨必至否視病者呻吟痛苦如己否又能診脈無誤望問詳審對證發藥否此則醫師之必須得人也病又需藥買諸市肆賢堂中所自備者果無僞否所藏又燥溼不失其宜否牛痘之種傳授果出自名師否其人有保赤之誠否則又

鎮海縣志

卷五

公月

在董事者留心訪察事必認真也若夫義塾之師首貴品行端謹自朝至暮專心訓徒務使聰慧者熟讀經書他日可望科名愚魯者亦多識字獲益終身更須隨時教以孝弟辭讓之道童子天真未鑿爲善最易塾師念彼皆貧家兒誨之不倦卽是真陰德否則倘存厭棄之念敢迪不勤虛糜館穀必宜別擇良師庶幾不誤童蒙凡此皆所以實事求是也抑余又聞公善堂田產不多所捐又屬有限今雖屋宇粗完其歲息尙未豐勢將何以厯百年而不廢夫是堂之未建創始固屬甚難而是堂之既成善後更爲不易全在董事者竭其心力日夜圖之或出己財或勸富民增產於堂嚴立規條俾後人可守之而不墜則澤被無窮功德更大語云爲善必獲報余且爲諸君子卜子孫之昌熾矣是爲記

廣仁堂在西管鄉團橋鎮光緒三年初建至六年落成每年春冬兩季確查城鄉無主屍棺察檢暴露骨殖收儲小棺於清明冬至兩節裝運義山掩埋里人方繼德繼善義路等先出己貲倡捐

采訪冊

宗源翰記 孟子有言惻隱之心人皆有之所謂惻隱者仁心也而見之尤易動惻隱者莫如骸骨之暴露是以西伯行善澤及枯骨月令所紀揜骼葬而後世宋明之朝皆置漏澤園於各州縣蓋仁心仁政莫此為重也我朝

聖聖相承湛恩醴澤普濟羣生而尤恐貧民乏饑死之資致時骸不得葬而上下陰陽之和氣

聖心未嘗不念之惻然也去年春閏三月

毅皇帝祔祀太廟舉行大典

皇上推恩於臣民

諭旨所列七條其末言窮民無力營葬者該地方官擇

隙地多設義冢隨時掩埋大哉

王言真恩同覆載矣源瀚方守明州即稟大吏敬遵

上諭於郡城設立寄棺待葬所亦以奉行

上德自盡其區區之心爾今歲秋適值鎮邑廣仁堂告

成董事職貢生劉芬請源瀚為文記其事夫是堂之建

為收埋骸骨作棲息所也正與我

皇上之恩詔相合守土官當聞之於

朝而敢不以一言述其始末乎堂之創議自光緒丁丑

始至今年庚辰已歷四稔矣所費頗鉅皆鎮邑道憲方

網德繼善義路暨其從弟輩慷慨樂輸先為創捐錢凡

萬餘緡存之塵肆以其息充每歲收埋之需用然兩省
無建堂之貲非所以垂示久遠也繼德之從母翁氏者
發而老矣念其故夫贈郎中仁泰君夙好施濟造橋砌
路無不伙助乃慨然願出數千金為廣仁堂營造之費
遂得構材鳩工為屋共二十楹前係廳房翼以兩廡
前南北各有餘屋後列平屋庖福井區悉具屋外又有
園圃牆垣堅固堂在園橋西北其址甚廣而善又自
捐置義山為揜埋骸骨地而於檢收骸骨之地見有廢
冢輒自雇工脩補於是聞者咸感嘆方氏之義行而願
附合以成其美先是慈鎮兩邑之交有文仁局亦收埋
骸骨也始其事者翁函青明經克照盛榛山封翁澄鄭
竹谿觀察勳共後吳子祥廣文日華胡槐舫明經霽青
實繼之有慈鎮田八十九畝有奇又有義山及簿載公
款至是慮其產薄難以支持先願以田與山助合廣仁
堂蓋望風興起樂善有同心也夫捐萬金以收骸骨俾
死者免狼籍之慘繼德兄弟固仁心獨至矣而翁氏以
一婦人能繼其故夫之志不惜捐其厚貲助立善堂視
秦巴清亦何愧焉若夫文仁局諸君子善與人同亦時
人所難也合諸賢而成此善舉源淵泰守斯土有不喜
而津津稱道之哉雖然堂也曰仁曰廣仁凡仁之所
謂施濟者無不當推廣及之正不仁曰廣仁凡仁之所
故於此舉仍有厚望於方氏之昆玉且有厚望於

之士君子
是為記

養正義莊在崇邱鄉小港村里人李源李嘉昆弟創建置
田貳千畝以贍族中之貧乏者其莊屋若干俱載入記中

采訪

傳

俞樾記 自范文正公創立義莊之後近世士大夫多
踵而行之者而吳中為文正故里義莊尤盛余自僑寓
姑蘇見捐紳之家義莊林立其官大者或自言於
朝不者則介疆吏以聞
璽書袁美傳示家乘何其盛也及余與修鎮海邑志乃
知鎮海李氏亦有義莊之舉而疆吏不以上
朝廷未之知同一義莊何顯晦之不同邪然則余安可
以無記李氏之在鎮海聚族而居者數百家生長海濱
率以貧賤為業故貧者居多有窮庵君與弟也亭君以
貨殖起家謀建義莊未果而卒兩君有賢子曰聽濤曰
梅塘承先志卒成之都凡置田二千畝歲入穀四千餘
石分給貧者生無以養予之粟死無以餼予之棺以所
入較所出僅足而無餘則又儲金數萬兩備異時之慨
拓焉乃卜吉地建屋宇著曰養正義莊其中為堂堂有

樓麗慶開明前後洞達南挹太白北抱笠山左右曉大
海極登臨之勝俾一族之士角文藝於斯樓樓前鑿池
於庭面以小軒以待賓客設義塾四塾各一師選族之
秀者使課之讀讀則分課食則會焉即奉粥庵也亭兩
君栗主於義塾之堂歲時祀之禮也嗚呼樂於李氏之
義莊洵所謂意美而法良者矣夫君子之爲義也非以
爲名也何爭乎顯晦之迹也哉然而縣庵也亭兩君之
高義與聽濤梅塘之善承先志則固不可以不記也余
舊史氏也記述吾職其敢遺諸因書其事
之本末著於篇并附諸縣志俾後有考焉

敬義堂義莊在西管鄉六都二畝保定菴前

即今稱咸豐玉皇殿

間里人胡景秀同弟姪輩合出貲建造莊屋八十一間置

田陸百拾畝有奇備給本族貧戶喪葬婚娶有差詳本莊

各條規則莊內並設義塾以教族子弟

縣冊

寶善堂義莊在西管鄉柏樹坊里人方仁高昆弟創建置

田壹千貳百畝以贍族中之貧乏者其莊屋若干俱載入

於記中德清俞樾爲之記

采訪

俞樾記 余自與修鎮海縣志始得與其邑之賢士大夫通來修之問知其人多富而好禮肫肫其仁往往有置義莊以贍宗族者余於李氏之養正義莊已爲之記矣居無何又有以方氏義莊告者方氏世居邑西之柏樹村有曰鑑航君者諱亨甯字建康鑑航其別字也孝弟義俠邑志有傳晚歲嘗議建家祠纂宗譜創義莊未果厥志晦忽徂逝有賢子曰仁高字仰喬念古人堂構之言又感詩人葛藟之義乃毅然隕涕曰是余之責也夫是余之責也夫凡鑑航君所欲爲者次第成之未乃及於義莊蓋其事愈巨而爲力彌勤矣先置義莊之田自割膏腴之產凡一千畝而其從弟名承者其從子名藏者各助以田百畝率較田一千二百畝乃營義莊之屋其屋五十有七楹前後中正屋九楹左右旁屋三十有六楹又爲倉屋十有二楹繇以周垣榜其外曰寶善義莊土事不文木事不鏤而高堂邃宇望之翼然庖湍井閭罔不脩飾過者美焉乃定義莊之條例略如范文正成法而損益之凡族之鰥寡孤獨廢疾者貧不能自存者月有餽餽以米死不能殮者予之棺久而不能葬者予之輓與石其子弟之秀者置塾於莊命曰正性延師而教之族中之人有應試者自試於縣府以至試於

公所

尤

禮部皆有飲也烏虜斯可謂法良意美者矣余讀蜀志稱許文休與九族中外同其饑寒又讀唐書稱李英公所屬給無親疎之間方氏此舉何愧斯言鑑航君可謂有子矣義莊既建乃奉鑑航君栗主於堂春秋視之禮也余舊史氏也祖習紀載之文李氏之莊既爲之記則於方氏之莊義不得而辭故書其本末刻之石仰喬國學生以其子道員銜封資政大夫

賜孔雀翎其從弟承道員銜從子瀛同知銜備書之用焜耀其家乘且使後之修邑志者有考焉

附

省城鎮海試館光緒二年邑人方義路承先人遺命於仁
和縣平安坊純陽庵巷買黃姓老屋一區改築之其屋間
數畝分圖券俱詳載章程簿落成於五年三月前河南學
政翰林院編修德清俞樾有記

宋訪冊

俞樾記 功令凡歲陰在子卯午酉之年聚天下郡縣
學生而試之於各直省是爲鄉試子卯午酉之明年聚

鄉試所得士而試之於禮部是爲會試凡鄉會兩試爲
士子出身之途海內之士爭趨之然自各省之京師
皆有會館以弛其負擔而自郡縣至省城則無有焉其
扶冊負素而來者求一塵之蔽而不得瞻登躡厲屏營
歧路間隱憊矣此試館之所以始也吾浙鄉試之士莫
多於甯波一郡其於省試有試館者惟鄞與慈谿而此
外各縣無之鎮海於甯郡亦大縣也縣人兵部郎中贈
榮祿大夫夢香方君始創試館之議未就而歿其哲嗣
正甫觀察慨然曰此余之責也夫乃買仁和縣平安坊
黃氏老屋一區而改築之其地曰純陽菴巷屋背西而
面東外爲大門門有樓以祀魁星是爲魁星閣由門而
進爲筆鹿堂堂後復有門額以四字曰羣賢畢至由門
而進則爲樓上祀文昌之神是爲文昌閣閣下則奉鄉賢
栗主於其中春秋祀之又進則亦爲樓其下奉夢香駕
部栗主亦春秋祀之崇德報功禮也旁有便座以待賓
客後則庖湫井區罔不脩飾士之以鄉試至者咸於此
少休焉願居者聽之悉視鄞慈谿之例都凡黃灣戶下
地二畝有奇又朱義功戶下地七分有奇其外餘地又
三分有奇實得地三畝有奇歲輸糧如額其規條經費
及館中什物悉以簿籍之經始於光緒二年至五年三
月而成糜緡錢一萬餘貫嗚呼正甫可謂能成先志矣
夫外郡縣之人之至省城亦猶外省之人之至京師也

余從前驅車入春明門輒就會館而措車焉然則省會之不可無試館從可知已顧安得每縣悉有如方氏父子其人者乎鎮海固人文所萃而試館既建則應試之士必益多異時科第之盛甲於浙東可以此徵之方氏之澤孔長矣余故書其本末而勒之石俾居是館者毋忘其所自始也

京都鎮海試館同治丁卯京員謝輔堦盛植型暨京商余鴻潮謀於都得東華門外甜水井頭民房一所須價錢三千餘金鴻潮先出貲若干後陸續捐助并初登公車者稱家捐銀一次遂得玉成其事試館什物器用俱備計屋四十四間其丈量基址及間數皆載在碑陰用垂久遠京官翰林監司鄞人左都御史童華有記

采訪冊

童華記 同治御極之初貞元啟運復旦重廣十餘年來劇寇次第蕩平吾浙以元年告肅清

詔以三年乙丑舉行壬戌恩科鄉試並補辛酉正科屆五年丁卯鄉試續補甲子

正科併科取中兩榜得士正額暨
恩廣凡四百六十有四人吾郡中式者無慮百五十人
而鎮海二十有八人可謂盛矣各直省均設會館於
京師以爲應試之所視其人多寡爲率吾郡舊設甯波
會館於崇文門外鄞慈二邑又各有專館鎮海向未有
館至是合前後科公車不下四十人府館無下榻處歲
丁卯謝水部菊堂盛銓部蓉洲時官京兆迺相與謀置
邑館適東安門外南畔有民房欲售於人爰郵書故鄉
勸諸紳富集資有商於都市者曰余君春源慨然曰必
俟集資而後置館試期伊邇恐未必遽濟於成我當首
出資不足再籌款焉蓋先置館而後集資乎兩君大喜
遂鐫吉立券修葺而整理之高朗宏敞稱其人又余君
並購什物若干置館中事成而公車已陸續至咸樂賓
至如歸而頌兩君與余君高誼爲靡涯題曰鎮海試館
不言會館者金爵風凌舉頭在望惟鎮海人士志觀光者
得居之他不得託足焉懷
天威咫尺之義也是科戊辰會試鄭君賢坊入翰林辛
未甲戌聯翩捷南宮者無虛歲至丙子獲雋者四人楊
君鴻元曹君昌燮得庶常爲鎮海二百餘年未有之盛
事雖然莫爲之前雖美弗彰莫爲之後雖盛弗傳鎮海
文風向稱極盛其人物之載在方志者如沈端憲黃文
聚之聖學節義賀黃門薛恭敏文介兄弟之學問經濟

鎮海縣志

卷五

公所

五

謝公憲暨方伯給諫叔姪之政事學術而方伯叔姪尤以武功卓著其餘文章傳世忠孝名門不絕於書科名之盛莫如今日此固幸際我國家文明之治漸被海隅而亦其邑之賢士大夫振起而陶育之為能應運而興相與沐隆化而作新也後起諸君子宜何如孟晉哉夫登巍科膺華選因桑梓之寵榮而諸先達流風未沫尤當景仰而服習焉名節兩露禮義風霜有足為科名重者斯益邦家光矣是則兩君試館之設實振先聲余用是樂得而記之為鎮海士人勸是舉也資皆出自好義之紳富凡初入禮闈者捐銀一次量其境而酌取之為歲繕費館之基址方位與夫門庭廊舍庖福之項屑董事者詳書於碑陰俾後之人得遵守焉

鎮海試館在東安門外小甜水井東畔向南背北南至小甜水井路北至康家胡同東西各至本館牆為界自南至北量計長二十丈有奇自東至西量計廣十丈有奇西院之南牆外為鄰屋長照東首大門減七丈大門屋五間左為廢一間右三間守館人居焉儀門屋七間左記

教二帝聽事屋五間東西廊二廊之東斗室向南一間廊之西為西院屋三間右斗室二間相向聽事後屋五間左斗室一間右門外隙地一區隔以牆牆後小屋七

間西院後續購屋前後兩廡凡七間由聽事右月洞門
進門左屋二間後院有井一口斗室前後各一間統共
計屋四十四間

鎮海縣志卷六

山川上

州縣之設有時而更山川之形亘古不易鎮西承
四明太白之宗南濱長江北浸巨海淵涵嶽峙脈
絡貫通洵一邑之大觀九土之靈藪也運會所開
以扶輿清淑之氣鍾百代之人傑仰見

聖天子聲教所被無遠弗届之盛至十洲三島若有若
無固非載筆者所敢侈言矣

城中

印山縣東一里

寶慶志

地面湧起一石地方如印

嘉靖志

山久

失其蹤今城隍祠神座下暨二聖祠中皆有山石拔地而

起無方圓定形未知是否乾隆志

陳景沛案曰寶慶延祐二志與梓蔭山竝注縣東

一里疑與梓蔭山相近

梓蔭山縣東一里統制馮枋夷而築之土建屏山堂寶慶志

後燬今爲文昌閣備志

謝泰宗梓山遠眺岡巒成勢斷猶連檻外山光常欲
前鳥愛人雲天豈礙人歸遠浦草生煙桑川空有長春

樹蓬島誰逢難老仙自昔登
臨多感慨何須把盞憶餘年

謝泰履山頭見黑雲龍光閃旋注海吸水獨踞高岡
眾峯揖秋海不波雲氣遙頌爽白衣化作元奔奔敏騎

如追及毒龍噴火攻天明乍燃乍滅氣猶怯火攻不售
用水攻載髯怒指東溟泣風旗張雲車急黑虹垂海水

立麟麟百萬天半鳴風旗張雲車急黑虹垂海水
驚手持招搖叩內屏常虎資謀九卿爰撥羽林四

五鑿道引入黃河傾井參兩部助奇陣白狼天狗野
精參旗一揮雞鼓翼張喙欲啄不盈滴毒龍敗奔

黑九野依然清四壁金銀薄
動洗餘氛月照江頭山水白

又飲梓蔭山閣詩 登山不用嘆茱萸野碧天空與自
扶寒石一拳蒼握滿閒雲半塔淡紫紆尊前有樹皆呼

玉座上無譚不睡珠得句不
須留筆墨歸鴻遙與暮煙驪

謝緒敬詩 拳石成岑獨擅奇盡收佳趣入名祠波迴
滄海成襟帶山鎮橫流作地維南渡孤忠懸古堞前朝

雙烈鐫豐碑爲言此地登
臨客大塊文章莫管窺

傅嘉讓詩 遊山得佳趣不畏梯級高遊山有好友倍
覺興致豪兩者俱云備心力忘其勞梓蔭雖拳石秀氣

來遙遙浮圖龜天際亭閣立岩巖幾秋禱奔馬轟耳如
怒號山僧亦可人斷壑佐佳釅斯遊恣快心安得不崇

朝

張懋建登梓山閣 韶光曾不少年留爆竹連宵破舊
愁履始尙欣元旦節登臨特續去年遊城頭煙合晴疑

雨海面潮奔春帶秋咄咄
閒雙燕子對人底事屢喧啾

謝閭祚詩 拳石能教俯太清無仙山不礙爲名雉圍
千堞巾常聳螺點三山黛白橫地極東南知水闊潮驪

風雨定人驚壯懷未許全輸盡咫尺空驕莫兩極海
天橫接上天梯不遣遊人一望齊風急半空蹲石虎月
沈子夜吼金雞平倭績永千年碣捍海功高百尺隄澤
國登臨偏有興莫嫌斥鹵與塗泥乘槎何似泛江湖
把酒高歌更一呼驚駭遙帆飛白雪龍憎暮影耀明珠
峯尖疊疊才誇有雨脚濛濛乍入無曾否安期留醉墨
蜃樓常幻海天孤九曲江流當女驍鬱空山色遍高
張北來直挾吳門浪南去斜穿橫水洋並榜漁舟真絡
繹忘機鷗鳥忽飛翔
聖朝設險無遺策不用龍龜駕作梁

巾子山縣東北二里寶慶志延祐志俱注八里與候濤山形勢相控爲

潮水出入之障蔽邑無水患者兩山之力非二山障蔽不

可爲邑矣山形卓立如巾幘宋史載統制張世傑次定海

元石國英令都統卞彪說降世傑斷彪舌磔於巾子山下

明初擴城築連山頂故今名瞭賊嘴備志

吳文企登山望海壯闊有如此蒼茫天漢浮疑將空
作岸真有芥爲舟波撼魚鹽國雲蒸蛟蜃樓何須問身

世泡影在中流 高樓萬里色輕衫三月時憑闌一送
目參島如纖眉龍女波閒隱鮫人石上窺三山明更滅
彷彿見安期 城下大瀛海城頭姑射山乾坤煙影外
日月浪迴閒 久坐成佳聚忙來得暫閒王喬頻送酒此
興未應刪 酌酒臨滄海論兵到武城龍旗高日月犀
炬駭鯨鯢 便色驚隨定嵐煙黯復明當年遣方士
向東瀛 便得乘潮去登臨小白華憑誰辨灰劫算數
等河沙開士原居海仙姬舊姓麻蓬萊幾情懷何處覓
樣浮

謝秦宗詩 鼓角樓頭星斗橫寒江湖急月三更吹節

人散憑清曉 威遠風生萬里城 露華高絕樹金壘銅

柱誰標橫海名 猛士歌風悲絕唱 南樓樽酒幾徒清

氣王東南大海秋懷人千里一登樓 龍城絕塞思飛將

長笛含風何限愁 浩然舒嘯此良游 依舊江山伴白

頭飛鳥不知人 興倦意南意北總悠悠 卽從帝座發

高吟 郭調誰嗣白雪音縱使曲終堪奏雅 西歸信杳付

浮沈 虛窗孤嶽怪登臨 樹杪人家落日陰 煙火蕭條

荊棘裏淮夷 何日貢南金

林時躍登山 弔張越公 孤臣一旅捍危城 申子

山前白浪盈 今日田張昔日卞越公 遺恨定難平

三

董守諭指張越公斷下賊舌處誰來痛哭問殘碑阜
父邀子共數悲蛇膽何時摩劍海燕胎久已啄珠堦雲
國精英能舌斷而今偏地卡家兒羅刹江頭潮不至范
全祖望巾于山歌弔張太傅祠虹背城請職遣季刺臣
文虎入臨安市范陽將軍氣如虹背城請職遣季刺臣
妾僉名謝道清誰忍連署迎北使慶元都府未雄藩孟
傅昌元那足恃空餘巾子山頭一片石聊駐殘軍麾赤
一腔血天之所廢莫能興搏土遂日成何事只有孤忠
蛟關遠將軍錯認作從王不惜庖丁陳贈藏牡蠣灘頭
白浪高金龍背上哀雲漬酒闌方為哭神州投袂而噴
驚年兇爾爾舌尚存真維鴈爾肉不食應投界此是刀山
大道場爾戴爾頭昧趨辟爾時海上正揚波鼙鼓達蓬
起雲際長鯨怒目獸長矛神龍鼓警效神七劍光磨糲
刀痕拂戾雞山之雞爭哀鳴虎山之虎怒然誓將軍笑
撫登子尸所恨爾帥遠莫致我傳除地乃更飲諸公爲
我同心濟國家運祚正靈長一汴二杭猶未替況有文
陳南相公大聲叩須扶正義茫茫溟海落日斜重爲此
牛此酒出頭地揚帆而前卽東甌慈慈天水雙龍有佳
氣

企明嶺在東門內西卽七寶也以跂足而望卽見東旭故名嶺下有泉發源循西而入由魁閣側入學河前

乾隆志

長庚嶺在大西門內大街地隆起長數丈里人相傳有是

名

采訪冊

鐵爐塾縣東

乾隆志

城外

候濤山縣東北二里

寶慶志延祐志俱注八里

一名招寶山爲海控扼

耆舊相傳山下有蚌生明珠往來波濤之間漁人或得之

卽光耀逼人駭浪繼作舟不可行投之乃止舊名候濤後

以諸番入貢停泊改名招寶亦名鼇柱山有十二景鼇柱

插天山樓看旭龍洞出雲鐘鳴山寺千帆破浪蜃樓現幻

虎蹲濤吼夕照霞輝憑閣觀瀾梵臺秋月仙洞海天山城

嵐翠

唐令志彙

呂祖儉記予自十五六時卽欲適四方觀名山大川以開廣其志氣蓋嘗浮江淮道閩浙赤壁之雄勝小孤之峭奇廬阜之幽深閩山之清美松江太湖之空渺雲門若耶之閒曠未嘗不徘徊顧瞻以慨想前人之遺風家於金華山下雙溪依城以爲帶暇時卽與二三友攜筇扶策入深山中遇會心處或數日忘返得月則襍被出城掉小舟聽灘聲蕩漾清景終夕不能寐憂患以來視此若非吾事然餘習未忘猶欲視大海以快其心目王寅之冬遂祿兩東距海六十里會友人潘端叔主定海簿因趨郡檄言邑中候濤之勝欲相約偕往而未果今年夏四月端叔因謝子暢自臨安至相與會於太白鄮山之閒已而入城復刻日以堅此約果不踰期而來康炳道兄弟先往適以少故出關差晚遂相會於王季和家李叔潤方居敬繼至史丞相之幼子開叔及賓館楊希度亦偕行路桃花渡出三江口十五里至黃氏壑風逆浪高回旋詰曲咫尺尋丈距海旣不遠非復江行之比操舟者勢不能平必偃寘而後可三十里至馬嘴匯風勢尤逆而急船上竹片舟人云可鑽火驗之信

然五十里至回鄉六十里至定海自午至申閱三時而後抵岸有持黃白幟來相迎者俄而復去蓋誤以爲總管云案圖志定海蓋海隅之地本會稽郡鄞縣之靜海鎮梁開平錢氏據吳越開邑曰定海其地三方距海中微隆四面斜落如伏龜之形薄解極寬深主人於東廡具諸客供帳盛設舒元英與其徒諸葛生亦自太誠來坐甫定卽登候濤山距縣無半里山勢雄峻屹然獨立所以捍海勢而立郡邑者也候濤蓋此山下有蚌珠得名俗所道不一名招寶者舊相傳以山下有蚌珠得名或曰非也外國大船之所歷故謂之招寶側有巾子山踞峙海濱亦少土多石不生草木徐步而進海氣漸闊祇覺天宇豁然上有一小亭可以爲寓目之地最高處有泥壑三蓋海中以此爲候望也端叔置酒亭上邑丞趙侯亦來少焉暝色半山波光浸暗雲水飄浮極目無際須臾列星下布月出天末諸客散坐山上酌酒長嘯心閒神適若置身於蓬萊方丈閒凌晨復與二三友同登適當風怒潮來之時銀濤澎湃天地改色如蹙雪如奔雷如馳萬馬飛舞突怒搜抉搏噬奇變壯偉愈高愈劇眾皆休於亭上獨與炳道兄弟及季和不敢愛其足力行二里許至山盡處去海無十步天淵相接漉蕩淫液不復知其爲人開變以極矣二日之遊大槩如此猶恨未能究風雨晦明之變山川上大觀又恨不能方舟縱浪

於溟渤之中與波升降而觀其云奔四薄也是山前望
小霍大霍二山西出解浦東北望嘉門烈港問之習於
海道者云自虎蹲山七里望至嘉門抵石弄涉洋山絕
海螺礁又東北過黑水涉黑山入高麗封域日本又在
高麗之東二國大舶直趨登萊沂密諸州想像其處使
可至城下互市之北隅海氣上溢不能
人憫然須臾風色益厲海壁上溢不能
久留也遂刻來者姓氏於石壁而去
楊守陳記招寶山在定海城東一里所雄峻特立郡
志山名候濤以番船貨寶來集其下故又名招寶下有
蚌生明珠漁人或得之光耀逼人風濤欲覆舟投之乃
息云景泰甲戌秋壬午日方升肩輿出城白沙碧草彌
路抵麓下輿攝衣躡石磴迤北數步轉而東始履沙土
襟帶草樹道南崖北望隘且峻又數十步得平岡茂林
少憩清蔭中空翠拂人襟袖禽鳥嚶鳴風颺飄爽雜若
吹簫絃瑟引金石而考之乍鳴乍止令人樂而忘疲坐
稍久余欲起觀海諸公難之獨劉侯偕余西南行數百
步極峻險從者或援或推乃躋於巔立斥堠上四面空
闊心目開朗顧城邑廬舍歷歷可數江山林野層見疊
出而大海茫無津涯與天爲一忽颺風起驚濤拍天作
萬雷聲爲之目眩心悸立幾仆少選風止日間迺見遠
近諸島大小高卑桶樹或連或斷有若虎蹲倪立蛇行

龍鳳飛舞若若堡蓋屏幃蓼筍者鬱若翠粲若繡赤若
鬬橋若槓者殊狀異態不可殫述蜃氣龍光隱見明朝
沙禽水鷺風帆出沒於雲濤杳藹閒可喜可愕朝
鮮日本諸城皆在指顧中眞天下卓偉奇絕之觀也已
而東北行下山向盡有洞呀然乃隨導者魚貫而入洞
廣崇殆十尺微洸流其中莓蘚翠溼若染濤聲鳴嶼間
從者循崖取海錯水菽啖余芳鮮溢口出洞有老兵迂
曰諸大人聚菴中伺同燕也還至前坐所北數十武入
菴隘而幽勝前臨淵澗甚澄水草被白沙文石若組繡
可愛其後青壁千仞不可上清泉出其中聲鏘鳴下石
潭潭廣深僅踰咫尺泉味列甘菴楣榜曰觀瀾卽席觴數
行不比耦投壺飲無算不揚波窮邊無狗吠驚武臣優
奔不暇今聖明在位海不揚波窮邊無狗吠驚武臣優
游皆能尙文崇儒而吾儕得與之嬉遊於此何其幸也
沈愷記余吏明州三年至三登招寶山招寶臨大海
四望浩渺與天無際海中諸島隱隱如浮鷗拍浪飛聳
欲墮日本琉球諸番異域遐眺隱隱可指數誠天地一
奇觀也興極偕二三同志登最高峯頂坐石巖酒酣耳
熱仰天歎曰其有憑虛欲仙乘風雲而下來者乎仍寫
酒石上歌紫芝欲起黃公與之遊而不可得興盡而返
蓋愷牧茲土民安其拙且承平日久民不知兵戎伍早
起日持名籍至衙門報上歸則偃臥無他事傍海居民

亦往往牧雞豚放葉舟取魚蝦入山林採松檜爲薪或
挾弓矢射狐兔爲樂山中六七十翁煦煦如小兒狀竟
不知邊境爲何如事乃今有不盡然者邊徼報漳民通
番船取息幣時肆剽掠憂時者至募民爲兵乃帥其人
晝夜邏警日出鼓鉦日入燎輝至振鐸巡鑿持棘樹墉
坎山谷以守人情洵海邦繹騷若朝不謀夕時天久
不雨俄而雲密欲雨風颯颯四起往余見海上人道招
寶山頂望日出海雲生樹石巖屋聽雨迥異人世客有
好事者勸之一登曰盍往觀乎余曰山海宛然昨也余
非前日之意況矣夫國家恩養軍士若驕子然若緩急
則不得其死力其捍患禦難往往出於市井網罟之民
果何爲耶余爲歔歔久之乃望洋而歌曰海水洋洋兮
天爲茫茫我爲憂
傷兮曷爲其亡
謝泰宗記定候濤山雖孤懸海岸其脈穿江而過也
不孤矣一名招寶者何聞之山有沙者生金有穀者生
玉金玉俱無何以寶名也或以人寢處其中偃然爲巨
室者聚乎禺疆東來頭洞何底得是山砥之兩浙之門
戶始豎由是言之寶無價矣出縣東門里許舊有威遠
營軍營北盡處卽山麓也登之望東行緣石級上見級
不見山級所受趾處不盈咫尺置一足焉其一足卽急置
之無失也遲焉卽仆矣歷二百級旁豎第一山三字碑

俯爲米南宮筆再三百級則浩然亭可少憩望城中如
幅巾綽制可數雖未觀海若全體而觀瀾於西北泱泱
大風哉由此而上猶是級而累石錯之非山所琢而鱗
次節比有高曰岵岵曰屺岵曰衆曰歸者總垓而非岵
者膝與齒相嚙衣不得樞卽樞衣以兩手鼓之始上舉
步者步必齊而後舉卽左右遞置焉弗能也信步聞忽
有樹之木者仰視綽楔者有六國來王處平倭第一關
之語錄其實矣坊之右偏而稍痺有疊石成臺者今所
築西殿臺也自山崖行皆東向稍折而南有演操臺似
咀而平下臨演武場晝夜觀多士之折而南有演操臺似
其宜也自此離威遠城只百步背城而立望大江若接
帶曲折郡城天封塢臨峙五雲縹緲中若出囊之錐矣
旣入城過天王殿兩廂卽營房也春秋耀吾軍士分以
備于暇非常者進之爲大雄殿立山之嶠前娑婆樹
二株紫竹林一叢或云大士變現處亦安知非卽吾身
指點處城高二丈餘殿頂高出城又五丈餘羣革所懸
鈴無風自搖若與湖聲互響答也殿後又二層雖樓居
殊不足展耳目壁上墨寫牡丹稱海懷僧手筆差須雅
觀耳東廡有樓名水月面東向憑檻俯觀江與海所扼
要外此東北流無窮溟渤也內此西南流三百里抵餘
姚江也水勢瀾復轉折如窩從樓上觀之惟恐餘皇鼓
棹亂流至於矣相對望者竹山右低而伏者金雞虎

蹲則屹立波濤中者是矣自虎蹲東折百里爲蛟門是
八十一鱗者所潛伏也於巨壑中巔峯巖峙環簇一水
水腥特甚亦奇迹也又東而北則金塘諸山環列若屏
嶂有如笑如滴如妝如睡者陰陽朝暮各一色備四時
之氣矣憶昔春末夏初漁艘數十萬蔽江而下煙浮牆
堵鼓鐸聲無晝夜息樂利之世哉卽春秋羅吾軍士亦
惟戈船列校乘長風破萬里浪於此峴高丈之擊豈若
今澄江如練哉樓之下爲水所匯處又築臺焉以備寇
之東來者使東於喉而不得進誌稱朝鮮日本諸域皆
在指顧中余尙未之得覩誠羣民所稱海山微茫而隱
見者乎卽滄洲猶在金塘背也惟子夜觀曦御初出處
如金盆浴水不可隱儀揆度而通光耀者昔登粵波羅
廟水際有浴日亭其於觀旭髣髴似之而此扼其要稱
重關之險云復自第二樓穿堂而過蓋層累下之哉乃
有危觀臺屹樹高壇上也今臺雖圯而攬景猶昔乎備
請遊觀未嘗觀者乎昔人謂觀萬頃之茫然而眾慮息
焉者此也若英山銳而出霍山角而巔龍山冠而峭又
若三神蓬壺可望不可卽矣穿城出北門之左築石爲
亭縣宰捧敕歲祀蛟門龍神於此今禱弗應未知龍神
故邑宰故也東去亭七十步有甘井是不煩鹿鹿之緝
而餅置腹者獨尋安期生所爲醉墨桃花石不可得
其石如桃葉者亦不可覩我非安期之徒與蓋山體與

寺皆西向而末則稍折而北分兩大股其自東行者高
高下下循磐石之罅凡左右轉無定趨其置一足足
常懸半不能輒止其地兩手據腰送之耳如是者幾三
百步纔得石級級斗峻皆山之受霸處也級受足處常
不容足足邀邀走負趾越爪首出稍注視即頭重不能
進蓋忘其尋雲之身惟無影之谿是顧胥靡猶懼之也
如是者又四百步抵潮音洞洞無門製於石上皆埒也
脫而下流跼蹐奚益哉惟早乾則以身仰臥而入洞中
一僧誦經問向有撒米成碁今何若也僧曰即吾身亦
彭其未知誰為樞機劫至是耳北出洞口亂石列海潮
燈所自出乎琴高氏借此移情也惜不知者砌巖以石
其自左行者遠望而候人之堡在焉五邑於此聽平安
火堡之左白石鑿鑿為北峻臺所稱新築三臺者此耳
兩股山崖大抵漁者集焉其阻於禁乎由北磴臺復而
南行二里則夕照菴在焉而山之體勢復迴環於此其
於情景四時固無弗宜尤以夕為佳掩蓋松風不知其
出於樹乎出於海乎自武應後緣仄崖上右
已經矣山有別徑自演武廳後緣仄崖上右
傍蟻眩之岸左觀千仞之谿君子弗由也
樂仁厚詩 蜚龍浮海出一谿君子弗由也
燈綴曉霞半軒明月在滿座好風餘妙法僧參處琉璃紅

映法

華

陳造詩

水無窮夢蟻分軒冕騎魚可聞蓬仙曹應拊掌顧我薄

叢書

應縣詩

白蒸龍氣月帶潮青結蜃宮夾樹煙籠花氣舞半爐香

映日光融

風翠應許乘槎貫斗中

陳允平詩

地海門關浪惡蛟龍怒雲深虎豹閒潮期與日月千古

一循

環

謝翱詩

入夢颶見蛟門南去島此地望迢迢積溼侵幡黑生寒

滿樵暗光

遶卻尋徐福島因問始皇橋於彼看日出羽旌焉可招

吳棻詩

不可量南條山斷脈北界水畫疆居然清冷淵浸彼黃

茅岡朝滲

張廣龍越湛盧盪汨吳餘皇幽波視若鏡巨壑琮扶桑

招揀或外域貿易叢茲鄉嗚呼燕國語顛倒龍文裳方
 物抽所寶水犀驚非常驅鮪作旗幟駕龍爲橋梁似子
 萬里眼徙倚千尺橋稍疑性命輕終覺意氣強寄
 言漆園叟此子眞望洋便擬學仙子被髮窮大荒
 張璠詩峩峩雄勢倚孤城此日登臨感慨生海水有
 憑朝夕信江潮無定古今情時看蜃氣凌晨發不見珠
 光向夜明幸喜鯨波方
 偃息扶桑一望極東瀛
 洪貫詩幾年江閣欲留驢獨上雲霄第一梯瀛海洲
 中仙觀起金樅背上畫欄低蒼屏鐵甕遙連北紫蓋黃
 旗更繞西風景無端人
 易老不堪明月聽朝雞
 盧鎗詩閒向亭前坐閉潮天風吹我興偏饒滄溟六
 月寒無暑碧落三山近更遙萬里乾坤歸漢域中流日
 月泛吳舫主恩浩蕩身
 如寄愧乏奇勳答聖朝
 俞大猷詩縹緲蓬萊咫尺閒星槎此日偶躋攀乾坤
 萬里扶蒼壁形勢千年等玉關島嶼鳥言遙獻譯樓臺
 蟹市幻成欄君恩自是洪
 如海仰慰昇平始解顏
 徐渭詩滄海遙連雉堞明登臨喜共客談清千山見
 日天猶夜萬國浮空水自平不許諸番營別島願圖方

略拓金城歸來正值傳
飛捷露布催書倚馬纓
余寅詩天地平臨氣色開
馬無前後雕鶚揚旌有去來
極日不分千里外遐心都
在百層臺朝潮夕汐常
如此猶是令人漫自猜
劉應箕詩天際割華夷
地險峙溟渤海若匯遠波蕩
漾茲山峯百尺亘崔巍
一峯聳突兀砥柱奠南土
迢忽方今聖人恩雨露元
不竭東夷時未殄干戈勞
征伐萬國拱垂裳南人請
立碣皇猷播寰宇
帝澤覃窮髮茲山長不移
日月自出沒
楊尙英詩海天盡處赤烏
平勝槩全收威遠城臺殿
祇疑騰碧蜃樓船還許斷
長鯨東洋島嶼浮仙闕北
極雲霞擁帝京銅柱千年
餘
慷慨令人遙慕伏波名
劉穆詩層岡仄徑似升梯
極目東溟望欲迷海闊翻
嫌中土隘山高疑與九霄
齊萬年日月雙九彈百里
江湖一沼溪聖世島夷咸
效順風清邊徼息征縶
李攀龍詩梵宮高倚碧雲
秋極目滄溟萬頃浮仙洞
餐霞丹竈煖珠潭光吐伏
龍遊數聲鼓角驚禪室一
帶

烽煙結蜃樓借問籌邊靖

海者誰能挾策試吳鉤

張佳尹詩孤峯青插海門傍一水黏天接混茫搔首

龍簪羣鳥出繞杯羊角大鵬翔填來難盡西山石望裏

同歸百谷王便賦元虛終

小技還留雙眼待滄桑微茫釀酒憑高引興長小試五

蕭廩詩水天合沓半微茫釀酒憑高引興長小試五

兵須定遠早聞重譯盡來王蓬瀛東望開珠闕島嶼南

浮帶越裳我欲臨風揮

入極一艦先掛斗牛傍海門潮兵氣濤聲振沈寥擊劍

方大鎮詩洗兵欲挽下雲霄玉關譯貢御堪戒鐵馬

蛟龍移窟宅彎弓雕鶚思

馳驅柱可標慷慨大風思

瀚海祇今誰是霍驃姚

胡繼升詩我亦東西南北人登臨山海暢澄清干濤

波底蛟龍躍三捷壇雄虎豹兵朝禮如來掌世界嵩呼

聖主奠湯城碧雲吞吐羅

鼇柱那許潢池再縱橫

樂舜賓詩峭石崔巍奠艮隅奔濤澎湃噴瓊珠諸窮

溟渤渾迷望欲訪蓬瀛若可踰雲物依依隨變幻舟檣

點點互推移廟堂今日摠

薛三才詩 大海東廻萬壑趨誰將卷石獨當隅金雞
曉度煙波渺靈鷲晴鷺島嶼孤雲起蒼茫遙帶粵潮連

溟渤欲吞吳興酣不盡憑

高意手捫青天醉大呼

薛三省詩 海門蕭颯動秋容不厭憑高寓遠惊斜月

入江雙白練寒山出漢幾青峯狂歌小謝驚人句醉憶

長河昔日蹤邊微頻年飛

赤羽可能清嘯息胡烽

沈一貫歌贈吳伯恆 招寶山遠控諸夷牢置關旌旗

閃爍搖雲開往來山頭插大鼓怒噴羣龍開水府百丈

妖鱗截作泥千尋怪尾糜爲脯近來戰艦纔江痕隨潮

上下橫蛟門已奪陽侯白波險漁師四出洪濤渾四月

楊花飛滿浦前船鳴鉦後鳴鼓唱歌歸來如沸湯江頭

滿甕春風香問漁何所得鱣鯨已盡無絕梁小魚魴鯉

大鯊鰐問歌何所云二十年來無鬪氛白

鷗飛向青鳬羣君不見山頭飲酒吳使君

吳光遠詩 勞勞行役定只此慕青山波浪擎鼉立樓

船帶鳥還錫飛浮島外金掃水雲開江戍常聞笛關門

夜

王思任詩 海門撐突是何年老骨凌空柱石李太罕

混茫千古氣 一江衝破四明天驚瀾膽精雲邊定畏

心從障下堅黃蛤劉醪看

落照十洲何必更求仙

張延登詩一鼉俯飲大江傍躡足遙盤瞰渺茫幕擁

帆檣天外過陣回蛇鳥鏡中翔明時早建千年策霸績

何誇六國王寄語島夷須

遠徙守臣高望見扶桑逢山雨望海樓中望海潮水鳥穿

于萊詩半山亭下逢山雨望海樓中望海潮水鳥穿

雲飛絕域浪花作雪噴層霄參差蜃結千家市縹渺虹

垂百尺橋東望蛟門天

設險萬年重譯仰皇朝神州大塊茫茫今古流目極

錢文薦詩東南包絡半神州大塊茫茫今古流目極

遐荒無到岸魂驚駭浪有孤舟紅輪每傍扶桑湧紫氣

偏從析木浮亦欲揚帆窺

古室其如風雨隔滄州紫霄傍俯瞰蛟關但森茫浩蕩

蘇茂相詩悲虛如到紫雲翔十洲何處求仙侶九譯

乾坤元氣合參差鵲鶴陣

終來貢聖王莫訝朱霞遙

縹緲方升日色在扶桑

何愈詩縹緲一憑欄千山夕照殘雲霞收海嶠城郭

倚雲端浮月金尊白橫空寶劍寒振衣聊爾共萬里有

觀餘

謝泰宗詩

紫氣調生絕漢隈扶桑倒捲海濤來雲中

雞犬聲容出

大壑蛟龍風雨迴指顧三山衣帶水中樞

兩浙戶門開

百蠻蠢爾徒

滋醜自有乘

波萬里才

謝泰履詩

為梁憑虎踞

潼關劍閣數雄圖此地看來勝也無截海

聯干擁舳舳

慶我東南門

戶闊笑看六

國等羣雛

虞光祚詩

雲擁羣山列海門登臨惟此始為尊天開

鼇柱雄千嶂

日照龍宮控

百番梵磬聲殘秋月冷悲笳

音咽暮煙昏

決江極目蕭

條處多少哀

鴻不忍論

屠隆詩

扶桑日出曉

蒼茫森森行空一羣航誰劈龍

濤開寶界直

扶鼇柱駕金

梁僧歸水府袈裟淫女散天

花佛座香悟

得無邊先

及岸應知東

土是西方

包大中詩

蕭寺高臨細

柳屯將軍公暇引芳尊雨餘

雲氣收龍窟

風起潮聲沸

海門島嶼春晴飛野鶴滄溟

夕照舞江豚

東南斥埃嚴

烽火憑聽孤

城鼓角喧

包大炯詩

青嶂突兀

碧波閒天際

東南虎豹關野鶴

高騫秋漢渺

亂帆西去暮

潮還滄溟映日輝三島雉堞

連雲控石壁興劇莫論尊

酒盡金風颯颯灑酖顏

鄧漢詩 楚利高侵帝座傍乾坤極目總茫茫日光故

把金雞燦波影紛隨白鷺翔徐福避秦虛奉使田橫歸

漢尚爾王只今惟有蘇

耽鶴猶記方平閱海桑

周容詩 極目萬類空白視忽焉大如在天半看白雲

踏不破仲連無羽翰何事輕波瀾藐軀奉蛟龍何足充

壺簞安期遺鶴至我欲從之

逝秋園葵未栽復返六開世

汪彥詩 浩淼乾坤綠羅陟寶坊波軒汎容與適意

縱倘徉粉堞潮聲撼青峯綠綵影涼九州分控帶萬里盡

微茫直是奔元氣宵容邈瀛鯨偶時能震地何谷不遵

王受露疑無底浮天自傍乘衰輸巨壑避礙度廻塘

險阻蛟門設咽喉鼉柱當及秋風作浪未曉日登光形

勝猶同昔蕭森此一方數九占漲汐跳沫走平岡白晝

驚鳬夢寒霖失雁行收鮮歸近捕濯網掛危檣積溼衝

衣潤淪陰合岸黃懸洲歌伐木鬻渡競鳴榔島闊潮雞

應流深巖窟強瀉翻如峭壁欄靜卽康莊浪指尾閭洩

虛傳鮑穴張無山窮地脈總道接天潢海味居民熟風

波過客嘗大魚吞雀舫姹女舞霓裳蜃結孤樓迥鼉擎

別嶼長援琴情易寫山川上 三

血藏揚塵說清淺滿座記桑滄方士憐徐福求仙笑始
皇當空餘鳥道寥廓斷龍梁梵刹遺金鉢蓬瀛敞玉房
潛靈時出沒陰火暮輝煌牛啖紅蓮鐵人餐白石糧本
非塵世界只在水雲鄉肉骨少輕舉眞如莫闢揚畏途
正淘淘東海自泱泱決注頻觀華炊煙遍煮霜珍奇資
奧府樞載集行商盤淚鮫人泣冰蠶泉室將權征多踞
虎朝貢久無痕遙望鯨鯢窟還憂魚龍殃微兵聞羽檄
移汛戒餘艤不犯斗牛象誰殲金虎芒鴻冥青漢令龍
蟄紫雲荒一肅陽侯遁三山神漢香翼從沈髮北愁已
散眉睨魯氏偏逃爵任公肯釣璜呼開關九豹吹落管
雙鳳所見銀宮闕應銷土胃腸煙霞因世僻傲睨覺身
妨色界冥蒙老年華博激忙蓬飄隨泡聚機息共鷗翔
薄俗渾皆濁吾生且獨狂珠遺聊復隱蠡側那能量河
伯趨堪歎波臣語漫傷掀髯照塵幘回首問慈航桂樹
搖明鏡芙蓉吐碧銚懷材方百六選勝豈尋常厯覽眞
都幻登臨殊未央眼前襟曠蕩杯底興淋漓禪月頻揮
塵佺期屢據牀醉來攜手去箕踞看扶桑
薛士學詩 山城五月帶春寒澗道鶯花落未殘十輛
芒屨供客興一孟麥飯伴僧餐倒聽人語漁樵路坐看
煙青獅象壇此夜對君歌白石何年老我製黃冠滄
海城邊人寂寂黃梅雨盡水漫漫潮生子夜千巖響日

照空山萬木寒戍堞角聲開曉霧漁家燈火

萬承勳詩萬生雖無三百青銅錢沽酒十觴與君直

上青山巔青山上下何所有紅日一輪海水走中有景

纍陳死人笑謂人生意氣何須真君不見來時腳踏草

頭露去時一片煙光暮又不見雷轟萬馬朝潮來瞬息

力盡奔復同此山在昔平倭日岡巒雲擁旌旗密白鹿

獻賦藏良弓獨腰夜泣青魂空尚有樓臺聳天外百年

遺像甘棠在一番劫火餘空釜游人寂寞來飛禽試問

君何人得酒更何說直待青山崩紅日墮海水俱不流

掌上之杯

乃可歌

朱承命詩山城斜倚海門傍萬里風煙接混茫佛食

晨施青鳥下神珠夜吐彩虹翔梯航自古來王國風雨

無波識聖王最喜東南銷

戰伐野農歲歲樂耕桑

陳夢蓮詩候濤俯瞰蛟城東聳龜柱胡崖從放眼

巨浸接天際極日銀濤布溟濛堪笑秦王採仙藥縹緲

三山度蓬蓬安期留鳥潑墨醉徐市一去杳然空我登

觀欄望賜谷火輪金柱捧盆紅滔星俗日撼千嶂置身

疑在水晶宮宮外萬山等鷗泛蛟門撐插齊穹崇眉眉

噴雪捲白霧吼聲震壓同靈霍何時得遊蛟室裏曠觀

蜃樓幻不窮縱多精衛亦難填安得鞭石如轉蓬還思
水擊三千里直欲破浪乘長風到此塵凡都洗盡憑空
竟赴瑤池叢瑤池仙于留飲賜笑素亭上鄙牢籠登舟
直上梵音祠丹竈仙藥訪葛翁子真遺迹梅岑在說法
臺中如來從海上仙人望未得鴻飛冥冥企黃公焉得
三山咫尺開飄然追隨與之同還思閬苑圖學仙廣成
問道履崆峒憶昔乘槎泛天漢天漢騰霄更飛翀直欲
上觀星宿海更欲片帆度崖洪山經海志都閱盡曠然
天地一粟通縱有王維詩畫筆天空海闊難
精工庶幾坡仙海外文寫來滄溟大豪雄
馬嗣昌詩候濤山勢何崔巍五丁鑿鑿疑天開矗立
砥柱萬里浪下藐眾阜如羣孩虎踞旁列眈視守金雞
斂翼遙追陪煙雲島嶼倏浮沒奔騰俄逐長風來橫空
暮莽不可測大波軒然勢欲逼腥風蜚氣紛迷離咫尺
晴光黯霧黑繞池但聞轟雷鳴捲天俱作寒芒色蛟龍
嘯吼怒噴薄沙鷗回翔爭起滅千狀萬態難具述時而
風止天日白大觀洋洋豁我眸細流涓涓殊
不屑何須排馭凌滄溟登高萬壑入胸臆
謝佑廷詩候濤我地傍城邊砥柱狂瀾此折旋旭透
有聲先耀頂波流無際欲連天眼前島嶼參差列檻外
漁舟次第聯迴望江山爭
勝勢還憐碧海變桑田

邵似昇詩

顧影茫茫感百端尚餘春色望中寬雲歸

海上千峯出風滿江樓四月寒濁酒且拚今日飲好花

猶待異時看醉餘緩步斜

裏若梳逢僧亦盡歡

似雍詩莫小候濤山東來第一關風號連地震潮

勇嘴城還海闊奔難入江流到此灣蛟門天設險領袖

巖峯

沈延嗣詩大海東來猛孤城勢欲吞山雄排浪出石

屹倒流奔天設王公險師連地水屯當年番貢入千艦

尾江

門

鄭兆龍詩營效居然最上頭茫茫海色望中收乾坤

此處還容我今古何人更上樓浪靜魚龍時隱見天低

日月白沈浮一聲鐵笛風

前落吹微晴空萬里秋

謝緒敬詩吾鄉有奇境地僻人罕至獨賞心神融飽

玩煙霞麗思假詞賦工略一伸浩氣懷之數十年不敢

下一字常恐筆力弱翻減山川勢興來卽登眺熟游翹

新致相過豈但百姿態互變異無伴亦自往恨遭祝融

崇茲逢佳客來把盞荒殘寺俯聽哮吼聲指點空濛際

雲駛若天垂潮衝激石鏡晝夜同杳冥晴雨等霧晦縱

日海宇寬東成方寸細何

必歎望洋試將此心配今上招寶觀招寶山額海隅峙

陳焯詩昔聞招寶名今上招寶觀招寶山額海隅峙

前芳嶺業浮龜龜風壽傾洞不可極兩島屹向為蛟門

龍山伏不起虎山雄而晦亭閣憑凌入指點但覺沐日

俗月洪波翻乍川昌國隱南北帆檣利涉吐且吞到此

胸襟大開拓臨風釀酒清而溫呼吸氣可通帝座皇

威遠播常安關願乘長風破巨浪扶桑晞髮餐琅玕

俞賓華登山眺海一峯屹立如孤標下瞰碧海登絕

遭颶風一夕忽陡作陽侯氣橫飛廉驕我來眺海登絕

頂但覺水天一氣空寥寥發處有狀悉淡漫入耳無響

非結驍須臾風定雲解駁凌虛四顧窮秋毫其西關亭

列沙戶鹹氣蒸白波爭熬其南關隘集商販干桅高亞

定番艘東北何有純巨浸蛟門虎嶼微露雙山椒迴瀾

浩浩地維墟杳浪冥其天容包崩雲屑雨恣盪颶海門

一線回遙冠山子城阿誰築錫名威遠殊堅牢城端

巨時齒齒遙冠山子城阿誰築錫名威遠殊堅牢城端

瞭敵無齒遙冠山子城阿誰築錫名威遠殊堅牢城端

將軍不武自不殺未可解甲閒弓刀才如青藤世豈乏

吾謀不用頭空搔候濤山頂一長嘯相與上下和答作

風

禱

禱

禱

禱

裘璉詩 牛女經年渡同人勝地來山高河漢近月落
海潮迴才子悲秋賦他鄉醉客杯乘槎疑有路咫尺是

蓬萊

張懋建詩 清翠玉壺秋雷轟萬里流山原能鎮遠風
豈爲吹愁運 識昆明劫功傳耀日樓苔封磨拭罷長嘯
縱遨遊

遊

阮元登招寶山造就戰艦安置礮位因題 怒濤如雪
湧蛟門百道樓船下虎踞旗鼓一新人氣壯風雲四合

駁光屯句章郡縣來相望橫海將軍許細
論果使水犀騰浪去不教海外有孫恩

袁枚招寶山望海詩 招寶山頭坐茫茫望大洋波濤
如起立人世定洪荒水合天無縫雲生島盡藏有誰溫

帶下親手

折扶桑

胡湜登候濤山望海 壯矣蛟門竟若斯洪波巨浪日

奔馳六鼉龜立天疑墮萬馬橫飛地欲移祇見太初浮

混沌更從何處辨華夷登臨墨

客知多少志傲滄洲問是誰 麟趾何年鼇柱撲天流日本
周世緒候濤山十二景 鱗趾何年鼇柱撲天流日本

朝鮮一望收自是東南好門戶一枝撐破碧天秋 鯽

樓
處碎金萬頃一時收
涇樹添濃人家多住潮聲裏恰被蒼茫一半封
多客蓮花聽滿船山樓鐘吼白雲巔長空夜半風聲健
蜃客汀蛟門北望煙如雨畫斷前山幅幅青
渡沙汀蛟門北望煙如雨畫斷前山幅幅青
麗樓臺迥出塵鳧鄉鵲國合爲鄭尙牧海燕穿波去錯
認堂前舊主人鵲鄉鵲國合爲鄭尙牧海燕穿波去錯
丈深料得黃昏風雨後長空遙答老龍吟
煙嵐日色微流霞紅處又依稀長天倒影波如錦白鷺
一雙穿破飛鵲灘拍遍闌干眼界寬金戈鐵馬駕雲
煙無邊海國都如畫一幅誰分水與天
影淨於水冷浸禪宮第幾層寄語老僧趺坐處不須重
覓古龍燈是仙竊觀闌菴裏臥參禪
不是塵寰是仙竊觀闌菴裏臥參禪
雨初收雨後嵐光翠欲浮添得僧廚煙一縷半遮古堞
半遮
樓
虛鎬九月十五夜候濤山飲月客滿船酒滿罇晚潮
逆向風頭奔客投山寺愁山黑海月先客懸海門憑欄
指點正奇絕頃刻忽被秋雲吞振衣一喝雲倒走凌空
孤境無纖痕海氣旣澄霽天亦浮蔚藍五人一席踞斗

南海若鮫室驚雄談吁嗟乎三秋好月只今夜直到明
歲誰能堪勝地勝侶若此不一醉快事只恐難再三簫
聲急歌喉酣桂影長夜垂甦甦醉眼
瞪蒼復何有惟見遠山閃閃眠金蠶
又次曉觀旭風露無聲怒濤息僧房月狀夢不黑天
雞喚客躡飛樓曉色溶溶添月色點點漁燈漸收昨
宵豪興今淡極我告諸君有奇事月光寒射扶桑絕皎
皎白玉字朱霞吐新鮮素娥故按轡絳節趨而前霎時
萬壑頓一暗水氣火氣相熬煎赤濁黃黑煙燄極書然
一聲海而金盆懸飛潛草木一含珠彩雲光直透毛
竅入萬有四千火龍戢威風伯倚扇萬里蕭蕭生晴煙
六合新出紅鱗回道人前坐起呵久雙手揩目神炯然
東西天一月
范用賢候濤山觀旭詩海門矗立海之東律業蟠空
氣象雄被濤噴薄于萬里雲霧發健封朦朧長夜冥冥
深宵綠雄雞一聲天欲曉海水盪滌急沸騰披衣起看
心悄悄倏然羲御擁天盆潮汐島嶼相吐吞紅光萬道
海底出野馬天吳海上奔儼若駿馬颺渴喙欲飛未飛
閃熠煜又若神龍戲明珠欲攫未攫相馳逐非是寶鏡
懸晶宮龍女頭盆洗玲瓏甯是玉壺開冰室鮫手捋鬚
手冬烘火珠跳脫勢如墜金輪輾轉扶桑轡紅霞童子

鎮海縣志

卷六

山川

新浴日五彩

散作人開瑞

謝爲衡登山觀旭

始會稽禹穴安足奇

山雙眸豁然水瀾瀾

湊老蛟噴霧魚吞舟

起義和忽駕螭輪來

九劃然一聲天半裏

底天下何處無奇觀

胸海外文章合奇駛

力追馬遷且學歐公賦

朱利登山觀旭

萬壑朝宗百川匯

設險重關天塹雄

登臨一望杳無際

蜃樓海市眩雲端

嚴城鼓角聲初歇

斗杓橫斜星沒

晴雷隱隱動江城

砰訇剛值早潮平

陡然湧出影踈踈

眉山常說龍門史奇氣皆從遊覽

能使文章妙如此我來偶上候溽

至文章疑已窮一片蒼茫失涯

波射波鼉背紫黃昏月黑作怒

喔天雞鳴四面如聞鼓聲

光千萬里閃爍未定同跳

斯信觀止旁薄能開萬古

若觀若斯信觀止旁薄能開萬古

無筆無觀若斯信觀止旁薄能開萬古

海市東海東洪波浩渺涵蒼穹

疑與銀漢通五岳如虎踞

蛟龍來闢風颯颯聞腥風

自生空濤白浪聞海上多奇觀

長此地看旭日參差出沒翻波瀾

魚網落天參差出沒翻波瀾

中流宿霧收熒熒樹色東山闕

遙看海日生漸隱西風吹碧浪

噴薄先初燦閃爍金鱗射波亂

赤繩懸候忽還驚升復沈

作勢奔騰上霄漢憑欄注目更移時能令觀者色驚變
盈盈一水如可呼愛之還復立須臾如有清風生兩腋
恍如身涉扶桑隅青山一髮蒼茫裏異域歷歷
都堪指暢遊請自今朝始臨風歎息曰觀止
趙九扛招寶山觀日出歌陽鳥躍躍扶桑東雲霄萬
古毛羽豐明州濱海近日本光天照臨咫尺中笑余踟
踖域城市未見日出心濛濛天封煥在柱已毀危梯可
上不放從樓名海曙亦傾圯登臨久斷行人蹤一帆忽
駕長風去直指蛟門候濤處候濤山對虎蹲嚴於今招
寶名尤著上有望海樓絕高我來襍被待天曙中宵攬
衣憑危欄天光未通月色殘俯視下界但昏黑混茫元
氣存漫漫須臾白雲蒸滿海中央一綫流霞丹倏又滅
沒黯無色久之變幻奇觀或狀紺寶或金碧種種異
相先作圖書看徐乃一噴一觀或狀紺寶或金碧種種異
盤是時天雞聽初唱萬里潮聲遠奔放曉光照見三神
山遙草琪花春盎盎洛迦金粟淨浪花慈雲現出蓬臺
樣下窺貝闕與龍宮徹夜通明洩寶藏馬銜鯨人避不
得百怪各各獻情狀神游象外行如卻忘身在層臺
上眼界從此闢光明胸次還教益超曠乃知習見拘墟
昧遠大扣盤測蠡竟無當今朝往觀得未曾再拜山靈
錫嘉貺登高既慰作賦情復幸安瀾逢太平此日招寶
百靈護海關作鎮同金城航琛萬國重譯至風恬浪靜

鎮海縣志

卷六

山川

無鯨鯨仰惟聖人開壽域如升普照真離明瞻雲就日
豈無自會當乘槎至蓬瀛君不見高岡萬丈梧桐生鳳
凰鳴兮

凡鳥驚

周茂榕候濤山觀日出天雞喔喔一聲動佛樓僧起
打曙鐘喚我披衣觀日出絕頂孤立金鼇峯斯時昏曉
猶未割上下雲逐寒濤衝疾呼雲中君入水鞭燭龍遲
遲御不起如人睡意濃忽露一綫破黥暗四山激射朝
霞紅無定寶相倏明滅隱隱海鏡磨青銅俄驚流金爍
石光熊熊玻璃作響水羣沸火輪捧出天之東驂飛颿
兮剞長虹翠旗絳節紛扈從一躍幾千萬丈光晶照
耀金銀宮我聞日行夜入飛谷中出海周歷地兩重又
云萊子城頭日照夜二語反覆欺愚蒙浮生寄居海之
角一水遠步甘泉通博桑高掛浴園影何不萬里求其
蹤我將手挾夸父杖魯陽戈后羿弓迅迫羲御爭豪雄
凌波踏碎紅芙蓉仰天自失笑伏處如沙蟲駕橋鞭石
胡能爾但見曜靈赫赫絕懸懸當空泰岱日觀未得到
快哉奇觀今始逢襟起則興人只拍手大叫驚天公
寒風吹我衣飛光墮我髮
升人事動俯視萬物
嘉靖己未都督盧鏜與海道副

仙人洞在招寶山下

志

嘉靖己未都督盧鏜與海道副

使譚綸遷補陀寺於此改名觀音洞

嘉靖志

國初時一老僧度閣誦經

寶山志

朱承明詩 為政神明較海賢 螭頭獨步釣龍旋 共乘

天上瀛洲筏 來作蓬萊絳殿仙 日麗河陽花縣錦 雲棲

洞府石渠穿 槐予大小東山客 賭墅無能與此緣 醉

墨安期桃吐華 招搖仙吏棗如瓜 玉堂春色偏朝斗 花

縣和風早樹麻中散 雲林堪作主 仲容疎懶醉為家 扶

胥烏接三珠樹 一望滄溟鎖翠霞 斗魁冊府映文昌

彥會關門有美堂 紫海瀾生綸閣綺 法宮煙繞令君香

酒狂二阮矜同調 醉墨三花妙五含 萬慮俱澄波上意

航來一葉即津梁 焚魚學士本仙才 佛面光流慈母

哀琴署暇時 山色好承明 草罷日邊來海濤 近構天風

起保障新懸星斗回 朗誦元

虛遐覽賦謝庭先後愧紛陪

陳王賓詩 層巒迴曲徑 石竅瞰長虹 大士棲霞所神

仙煉石宮水 梳瑤草滑風掃白雲空 悟入三摩地 蕭然

興味

謝泰宗為潮音洞僧題詩 均堂一曲覆春陰 大壑移

舟波底沈不是怒濤能作響 老僧十弄自操琴 人境

山川上

大

桃源此地分詞中日月總無雲饒他雷鼓山飛雪靜裏
蒲團圓不聞豈是蛟龍大小湫常依優鉢現紅浮夜
深風雨經聲壯出沒被擣自點頭誰知梵響與潮聲
總是禪機移我情白馬西來千古意洪濤指點宛如生
萬慮都澄風色哀奔雷千里一迴迴燈傳古佛心心
對誰許閑雲人洞來入洞原來出洞人不須寶筏問
迷津鯉鵬送水三千
里猶道僧家慎食貧
又洞口本鑿鑿見奇僧人砌之以石增吟頑洞之音轍
矣詩以惜之趣本天然漾碧尋潮生月上響意音雪
翻銀浪千峯白雲吼金堂大壑陰怪石自供蓮佛座湍
流激動老龍吟僧癡只愛繩牀穩一段奇懷與逝沈
原無妙語解後堪卜築為僧飯飽參洞自雲深潮欲上
砥非周道砌何堪欽奇勢失山安在不滿形成勝亦慙
誰把閒工交別去
如還本相付幽探
周西詩海岸潮音洞波濤日夜疏石崩牢設檻巖隙
補為樓峭壁摩文古高僧避世幽斯遊言艱險對此豁
愁吾
邵元觀詩層巒峭壁鎖重關洞口春風日
日閒海闊潮來千萬里老僧常帶白雲還

鄭梁詩 招寶山頭路已窮一聲清磬石巖中
循崖曲折無塵迹入洞幽深自梵宮
大海波濤階下物普天埃壘眼前空
何當孤笠來棲此看倦扶桑海日紅
千盤折下春光迴一徑斜登日影穿
山盡此間無大地水窮何處接青天
鱗峒巖蘚汚名姓澎湃潮聲忘
歲年幾蓋菩提趺坐久跋羊踏石落
簷前杜文煥詩 乘高臨碧落而復下
青岑崩石磔爲洞浮烟幻作林玉泉
添茗味金磬答潮聲老衲苔龕裏能
堅戒定

心

謝緒彥遊仙人洞詩 仙人自昔在巖阿一局圍棋視
斧柯隱隱樓臺臨雉堞遙遙煙市沒蒼波石頭篆蹟經

時古洞口山花閱歲多欲訪蓬萊從此近白駒空谷未須歌

萊從此近白駒空谷未須歌

周世緒丙子立春日同胡峭水係幼連遊仙人洞 東
風鼇背一帆開六合荒荒我輩來芒屨亂雲穿古洞布

袍落日倚空臺名山有福詩僧住故國無人

壯士哀留得磨崖三百載墨花猶未摺莓苔

王炳詩 仙來山有光仙去洞無色我欲一

探之牽蘿刺滿拊縹緲三神山千古路常塞

碁子坪在候濤山半山之間有沙灘其下通海出石碁子

人欲取之先以白米或黑豆撒其中翌日得碁子各隨其

色寶慶

上有亭道光年間改建魁星閣

宋訪冊

陳景沛案曰府志評作枰廣輿記作坪

王炳詩 剗橋遺楸枰何年懸石壁日月枯
雙子冷熱劫互覓萬古局未終勝負猶寂寂

金雞山在候瀟山外海口世傳山內有金雞正鎮海門寶慶

志縣東三里曹府志與招寶山對峙以形得名

嘉靖志

謝泰宗金雞虎蹲二山詩 大海濶迴紫氣高兩山疊

對黑風號雞聲欲吸天河水白虎橫當八月潮砥柱

龍門有候瀟參差桓立擁前旄潮生月上雞鳴曉雨

風颯虎戰塵南北中分兩岸河舟人鼓棹一帆多虎

能生翼終飛去雞若高聲四海波天流氣血海生牙

屹峙雄關六國遐時雪噴山雞欲立魚龍出水虎來拏

天險還須大海防朝宗萬派此翱翔

聞聲起舞中流楫得勢居山隅負強

姚燮詩 弔金雞山之戰狼山鎮總兵謝公朝恩實死之

白日鳴鞞走地雷隔江轟偃大行臺出關梟騎追雲

遁入峽龍驤破浪來獵後奔狼驕突紫劫餘封

蟻感焚槐九原自有全歸樂漫為將軍致慟哀

蛟門山縣東二十里寶慶志注一名嘉門其山環鎮海口

出蛟門則大洋也延祐志有蛟龍穴處時興颶風怪浪舟行

避之嘉靖志

宋陳蛟門春曉圖歌句章王君景行嗜學好修之士

子也其所居曰蛟門正臨大海巨濤衝撞頃刻萬變平

旦東望霞光燭天紅日大如從冉冉上升誠海東第一

偉觀高士王叔明作蛟門春曉圖景行出以示予使人

飄飄然有凌三山跨十洲之意為賦長歌一篇其辭曰

瀛海無垠波濤吐吞涵浴日月參契鬼神怪石如雲自

天墜萬丈壁立蛟為門南有金雞之俯啄玉毬兮干霄灑

雄蹲值病飄兮奮揚來怒濤兮騰奔擲玉毬兮干霄灑

輕霧兮飛塵雪山水崖之可怖可愕兮帆檣縹緲不可

遏恍疑上下於星辰雞一鳴海水白層霞綸彩光如

瑞縱橫閃爍縛不定海神推上黃金盆靈境飄搖在世

外髣髴直至扶桑村何人結屋於其間云是甬東才子

開瓊關吹簫雙鶴下坐聆環佩聲珊珊有時共談三十
六洞之秘笈綠文赤字可以鑄蒼顏猿拾花兮春岸魚
泳畫兮晴海日媚嬌紅桃點點風入涼翠松翻翻胸襟
霍盡萬斛之黃埃兮不知聲利是何物便思紫府廣真
班黃鶴山人列仙儒九霞爲冠青綃裾手提五色珊瑚
珠幻出一幅眞形圖令人毛骨動颯爽思乘瀨氣超清
都中有十二樓往來盡是瓊姬傳金符玉節錦臂講白
台度曲彈箏篴雙成按拍歌莫愁我愁正孤絕我興欲
飛越矯首東南望神光應迅發蓬壺春殘瑤草殷麟洲
芝生翠環結我愛仙人夢綠華面如蓮花雙鬢鴉幾年
相期飯胡麻至今不來雲路遐何須龍虎鼎中求丹砂
何須天河穩泛牛斗槎但令坎離交媾翻三車氣母不
動生黃芽我賦蛟門歌細看銅狄時摩挲長繩孰爲羈
羲娥白石應泐金還磨不學長生將奈何不學長生將
奈何

黃潤玉詩 鯨波萬里海東倭截斷蛟門勢若何龍自
鮎埼來浹口虎從鼇背踞山阿兩川束溜如歸峽萬斛
隨潮似度梭天險壯威狼

墩息江城處處奏弦歌

周齊曾過蛟川舟次語 不走此十餘載如別一世
不意地欲盡處亦爾爾獨蛟門一帶水生落隨月波

從風不殊今昨使盡地皆化為海猶愈於陸沈吾將
與魚蝦為眷屬不覺悵悵久之時癸巳四月朔日
周聖化詩先生似愛蛟門好百日常帆盡日東撲面
浪掀驚問雨回頭山失始知風種花絕島逢梅福戴笠
題門訝葛洪卻怪當年王
大令因何感慨及諸公
王南卿有蛟門山下須臾
死肉食諸公知不知之句
僧元琮詩十丈帆張五兩風笑談閒已出蛟宮兩拳
石東波爭立一隙門開天忽東雲壓龍頭蓬島黑日翻
魚眼枕頭紅平生夷險經
曾慣要吐胸襟浩蕩中
謝師昌過蛟門蛟門元海中望猶一牽石俯而窺其
下空洞容什伯譬彼有道者外嚴中不迫羣峯羅巉峭
時有神龍宅布雨行四郊截潮懸千尺舟人述靈異危
語恆嘖嘖我來鏡面行輕風挂片席豈值龍安眠抑或
憐孤客躊躇未有當拍掌翻成劇君珍額下
珠我抱懷中璧潛見各自愛幽明又奚擇

虎蹲山縣東三里

寶慶志延祐志俱注二里

屹立海口以形得名古稱

蛟門虎蹲天險之設

陳志業

丁鶴年九日登山東海十年多契闊西風九日獨登
臨天高雲淨雕初度水碧沙明龍自吟離下菊花憐我
瘦杯中竹葉爲誰深憑高眺遠無窮恨去國懷鄉一寸心

小舟山在招寶虎蹲二山之間產紫菜殊勝其綠而纖細

者土人呼獼猴毛味與紫菜同采訪冊

七里嶼山縣東七里在海中嘉靖志

黃茅山近七里嶼在海中嘉靖志

游山縣東五里寶慶志在海中備志

夏老太婆礁是礁在游山之東蛟門之北爲南北大洋來
往舟楫必經之所潮漲則潛沒於水中潮落則微露於海
面舵工不防船屢被壞蛟關之險惟此爲甚嘉慶二十年
八月鄞邑貢生張恆綱字維三在礁上建石柱一條長一

丈九尺五寸根方每面二尺二寸種落三尺四寸柱上鑿
有中流砥柱四大字使來往舟航可以遙瞻預避此礁縣志

採備

靈緒鄉

斗門山縣西北五十里嘉靖志一名石河山乾隆志

鹿山縣西北五十里嘉靖志

朱家尖山乾隆志一名滕家山縣西北六十里以下記里非本前志者俱

用采訪冊

大磊山山峯最高嶺有石壁數仞乾隆志縣西四十里

袁家山以居民袁姓遂名下有巖乾隆志縣西北四十里

龍山邱府志案采訪冊縣西北八十里龍山所城內永樂寺佛座下有石墳起相傳碑記載明龍山

山川上

鎮海縣志

卷六

龜山

邱府志

縣西北四十里

撞山

邱府志

縣西北四十里

新婦山縣西北六十里

寶慶志

回峯山縣北六十里

延祐志

息雲山俯臨東海下有匯源龍潭時著靈異

乾隆志

縣西北

四十五里

澥浦山

乾隆志

縣西北四十里

眾仰山縣西北五十餘里

嘉靖志

石壇山縣西北七十五里山有石如壇

寶慶志

今名石塘山

乾隆志

徐家畧山縣西北七十里有五嶺通往來下有徐家畧

嘉靖

志

伏龍山縣西北八十里

延祐志注九十里

一名箬山其山跨東海

西海之門宛若龍頭龍尾之形又若龍赴海之狀因名伏

龍山內有刺史門石壇乳井產楸子木水產紫菜獨勝他

所著名伏龍菜餅

寶慶志

有千丈巖海眼泉自滿倉

浙江通志

黃震詩

壯哉天造伏龍山獨壓溟波浩蕩開百怪鯨

鯢俱帖息

半天風雨共高閣盈眸縹緲三神境跬步巉

巖九豹關

只恐此龍難久伏雲雷天色正斑斑

戴良詩

昔聞龍山名今覓龍山路泛江循近洲卽陸

入遙樹離離

列綵巖泣泣濯秋露歛見雨徵峯高出雲

飛處好山殊

未應游于已多趣尋幽雖欲行愛境不能

去庶憑物外

蹤稍息塵中慮佛廬既崇曠雲閣復高據

登臨當雨餘

眺望屬秋暮意同疎木寒興逐驚鳥翥蒼

蒼暝色起

杳杳晚鐘度耽玩樂地幽趣事嫌迹遽爲謝

林下人行

當重游寓

張處詩 萬丈巍巍獨仰攀登臨自覺小塵寰溪橋雲
蔽水流碧山石雨過苔點斑風靜月邊孤鳥度潮生天

際一帆還欲將鷗迹從
禪學無奈煙塵滿故關

張錫聰登伏龍岡觀海用柳柳州遊朝陽巖遂登西亭
韻方輿眼巨壑高岡峙荒郊地選梵宇勝鳳棲阿閣

巢鐘鼓馴獅象窟穴驅龍蛟夜雨眠山舍晴鳥出林梢

橋梁度萃崖壁臨呀序曉色水天合旭光雲山交千

人偶駐足片石可結茅峭立擬高華險隘同函峭草衰

識風競松短疑土磽石坪訪神倉清泉掬微効大觀久

徘徊泉水開評朝溪澗固盃勺江湖亦斗筲任彼各奔

注到此悉并包小山行蜿蜒拳石伏蟪蛄彈丸露邑郭

一葉飄漁鮪徑草雜靈藥巖錯多佳餚荒涼登斥候棄

置等繫匏仙島望縹緲下界悲喧呶快游喜洋洋狂歌
發嘍嘍坐覓歸
路晚煙起僧庖

金墩小山在所城海濱乾隆志縣西北五十五里

三龜山在邱洋村平地突起三山故名乾隆志縣西北六十

五里

施公山縣西北九十里北瞰大洋東距龍頭西接鳴鶴南
舟如江浙常往來宋時苦海寇元至元十五年縣達魯花
赤張璉以地扼險要約巡檢司城民乃安居大德十一年
巡檢王質始於山前約建衙宇戎備一新

延祐志今置烽堠

其上

嘉靖志

下趙山

乾隆志

縣西北五十里

澤山縣西北九十里舊名櫟山宋吏部郎官黃震以不雅
改今名黃公德祐初棄官歸隱就山之南築室以居名澤
山行館榜所居室爲歸來之廬環植松菊林泉澗澗爲一

方勝覽

延祐志

黃翔龍遊山詩獨俯空堂夜無人境自寬高風雨影
動斜月竹光寒潮海秋聲闊山林客夢安坐來更幾點

鎮海縣志

卷六

山川上

三

北斗挂
闕干

陳景沛案曰嘉靖志注甚簡乾隆志將延祐志注
分裂三處澤山湖山書院澤山行館致舛錯失真
辨見湖山書院下

大蓬山縣西北一百里寶慶志一名達蓬素始皇欲由此達

蓬萊延祐志山多香草又名香山有獨葉一枝花其根莖如

算子大可療百毒山人珍愛如寶山之南界慈谿乾隆志上

有巖高五六丈左右二崖屹立對峙如鬬雞之狀有石穴

深四丈餘巖上有三佛迹慈谿縣志

黃宗羲海市賦 余登達蓬山望海山僧四五人皆言
春夏之交此地特多海市各舉所見與圖畫傳聞者絕
異東坡在登州以歲晚得見為奇然霜曉霧後往往遇
之亦不必拘拘於春夏也信耳信目自有差等因次第

其言而賦之己酉之冬觀海達蓬山僧四五指點空濛
曰濱海之地不一茲獨當夫神宮光怪發作亦何人而
不逢但稱登州之海市者蓋不免於瞽瞍也余曰各言
其狀本原曰其爲城也雉堞崔巍麗譙睥睨三里七里
勾股可攝於焉戎馬乘城蹀躞照白竊驪雨髮風鬣儼
烽火之告嚴危黑雲之將壓其爲樓也嵯峨百尺神輸
鬼巧綺窗朱鎖明星縈繞神妃雜遝慈欄渺渺其語可
聞如臨妝曉有時而現爲黃幄重簷婀娜縷帶悠揚何
采旄桂旗之蔭擁茲特疊出以爲章汪道者曰亦有單
門聚落忽然而來屋瓦參差門戶洞開嗟朝煙之不起
豈井曰之生埃固職方所不紀亦戰爭所不災續宗曰
當旭日之初高有霜鐘之寓質制宏萬石音諧七律藏
寂寞之元聲雖滿盈而不出少焉變爲城郭中引長橋
值刺史之行部或中丞之入朝鳴笳列騎夾轂喧囂何
珠宮貝闕之內而以鹵簿宣驕其後幻爲染肆綠沈紅
淺羅綺續紛借霞天以爲色蒸香草而爲文彼蜀江之
濯錦信天人之攸分補陀僧曰橘柚初黃颯然風葉覽
觀大洋湧起寶塔四面勾欄七重鏗銘華囑風濤光交
目睫遇其變現狀若鸚鵡螺瑣碎末品大越邱坡嶺閃之
下湛然水波若夫海路壯闊一山千里雖人迹所不交
亦經鍼之能指爾乃帆席未掛僧窗晏啟忽焉叢島逼
塞孤峯魁峙疑異國之飛來豈巨靈之遷徙當其電耀

不煩蜥蜴名曰浮山海人習此或曰此何理也余曰夫
積塊之閒紅塵機巧菁華銷鑠猶且羣羊飛鳥野馬磅
礪彼大海空靈神明郭廓百色妖露豈能牢落故其軒
谿呈露者窮奇極變而無有齟齬此固蛟龍之所不得
專天吳罔象之所不能作況蜃之爲物甚微其吐氣且
更薄乎南海謂之浮山東海謂之海市是乃方言之託
也

范成大詩 抖擻軒裳一闕塵任教空翠滴

烏巾老身已到蘆輿上處處青山是故人
舒賈詩 龍護空堂鉢雲籠古殿燈經窗僧待月茶井
客敲冰驚雁回峯影疎星亞檣層心清更無睡未羨杜
郎能空澗寒探月高齋客聚星霜分破窗白山獻隔
簾青窺水知僧定占雲識地靈時時驚鶴夢木葉下危
亭

周鏐詩 靈山名大蓬香水靄蒼荀龍祇久覆護雲物
翳深谷拂衣向劫中神斧斷蒼玉至今天人尊靈迹印
金粟頗聞開士識飛錫隱巖麓坐令湖海閒香供走川
陸鏡魏虔報地色相儼金屋緬想舊巾瓶猶能慰心目
藍輿訪蓮社一笑欣自足撫事動幽尋疇能念榮辱
松爐裊如見餘力付棋局更覺夢中身翛然百無欲

全吾麒麟達蓬山觀海市詩宮闕鬱嵯峨

驚傳鹵簿過六龍所駐蹕正朔此中多

張載詩秦皇昔來遊高峯駐黃屋胸中有蓬萊滄海

視平陸惜未銘李斯竟爾輸梅福不知望見無君歸試

遐

黃宗義達蓬紀遊詩延連瞰湖曲時復度小嶺霜花

明謝豹病葉填空井尚餘春色在夕陽照人影登登

松路盡巨石忽當關草香花亦香蹟沒靈不沒老樹不

計年寒空留突兀高入冥空無寄迹在文字苦吟嗣

石屋斷碑創山志秉燭話更闌月明遠鳥至東盡觀

滄海往事一慨然浪中鼓萬疊鯨背血千年何物秦始

皇於此求神仙軀儂人古洞天光忽開霽危石削雙

門趾痕聚五指渾然太古中豈自開元始剝蘚見題

名情親異代魂隆興錢集錦酒熙唐仲溫攀蘿復穿石

勝迹今尚存經竹過蕪湖薄暮宿花嶼不有青蓮石

難與白龍語茲遊信

奇絕隆冬問杜宇

饅頭山以狀名乾隆縣西北八十里

萬松山乾隆縣西北七十里

真海縣志卷六山川上

三

仙島山俗呼瞻到山多產茯苓白朮蘭花乾隆志縣西北七

十五里

砂礫山俗呼廟山乾隆志縣西北八十里

立鴨山又名青龍山乾隆志縣西北七十五里

稻蓬山乾隆志縣西北七十五里

棋盤山乾隆志縣西北七十五里

筆架山乾隆志縣西北七十五里

小崑崙山乾隆志縣西北八十里

洞山縣西北一百里山有豹洞古有豹隱此有錦纜池將

軍石盤松延祐志

石望山乾隆志縣西北七十五里

獅子山東西各一乾隆志縣西北七十五里

蛇肚山乾隆志縣西北七十五里

狀帶山乾隆志縣西北八十里

靈緒山在靈緒湖西下卽湖塘乾隆志縣西北七十五里

黃狼山乾隆志縣西北八十里

徐白山乾隆志有嶺亦名徐白陳志縣西北八十里

達禮裏山方圓五百步許高二三丈爲靈緒四五兩都之

鎮山相傳穀神憑依處禁人穿穴乾隆志縣西北七十五里

劍山乾隆志縣西北七十五里

金雞石山相傳有金雞鳴於其上因名乾隆志縣西北七十

五里

玉蓮巖

虎巖天久雨巖之左右多生自然銅形似骰子可療損傷
步月嶺下有井其泉如柑味

登雲嶺

以上乾隆志

解浦嶺管界巡司署側

太平嶺

硃沙嶺

以上嘉靖志

大雲嶺在伏龍山頂有古碑題大雲嶺三字相傳王安石
書其碑已失僅存碑座後補書一碑不知何人所書采訪冊

低嶺

嘉靖志

在朱家尖山東嶺有石級數里

乾隆志

高嶺

嘉靖志

雁門嶺西南慈谿界

嘉靖志

在邱洋明防倭寇置關於此今

廢嶺上有雁峯寺

乾隆志

鳳浦嶺西接慈谿界

嘉靖志

朱家嶺

嘉靖志

賈嶺嶺脊西慈谿

望井嶺

桃花嶺西慈谿界

鎮東嶺

通天嶺

長谿嶺

金家嶺

鳳浦嶺

筋竹嶺

河頭嶺

嘉靖志

東嶺

西嶺

以上乾隆志

少仰晴洞在伏龍山麓深不可測咸豐三年有鄉人秉燭

進遊未窮其底

采訪冊

附長庚塔在伏龍山麓口正對大海山外十里許有曉
砂暗伏常壞行船光緒三年邑人陳鑑科鄭椿捐資
建造高約二丈許周圍砌築青石內懸明燈以利商船
往來令寺僧管守

采訪冊

崇邱鄉

陳山縣南七里

寶慶志注十里

絕頂有白龍潭天欲雨白雲起山

巔作覆帽狀將霽嵐氣出山腰如環帶邑人以爲占候府
志

謝秦宗詩

秦王鞭石至東海森嶢嶢地紀川途盡月

徑車馬消雙

江夾黛望赤嶠陳山鬱高標四明起一望

洛伽迢對峙

城百雉盤五峯孤標金雞遡焉小蹲虎波

上驕出郭不

數步隔江德山招振衣試登臨天風駕海

湖林木靜以

瑟黃埃壑若燦雲霞衣袖裏帝座呼吸要

壘首問青天

周原野火燒昔爲樂郊國今乃絕漁樵青

草煙墟靜登高能寂寥指點來王處元龜寶貝遙戈
船排列嶂怒濤沸金焦流覽悲風起山靈不我邀

案陳山一名獅山

繡毬山縣西南七里爲獅山西麓之小山山石有竹木花
草紋工細勝於繪畫隨意破之無不自成片段亦一奇也

山有元鹽大使張子忠墓在焉采訪冊

張錫路詩 山中有文石自具繪畫形竹木挺疎秀花
卉含芳馨不解化工意奇幻何不經豈是安期生醉墨
畱丹青抑或顧愷之妙畫通神
靈橫列先塋後蒼翠若張屏

半邊山縣南七里嘉靖志

橫山縣南七里寶慶志注山不甚高平岡橫亘約半里許

張錫路詩 邨落常依山山實邨之障吾邨山更多俱
出橫山上橫山橫其間羣山儼相讓有如人將兵彼獨
能將將又如人綽綽彼獨以王
王乃知天地間凡事無住相

南山縣南七里

寶慶志

東山縣南七里

寶慶志延祐志俱注十里

東南二山對峙

覺海山縣南七里

備志

邵似雍詩

小樓讀書暇春暉散無邊主人招我去直

上前山巔呼童載斗酒蕭寺清且閒移陰竹深處曲膝
若坐禪惠風忽徐來吹我心悠然日夕猶未
晚天與烟光連樂哉今日遊誰爲思輞川

沈家山縣南十五里

嘉靖志

石門嶽山陳山在東龍山在西儼若二門故名

嘉靖志

陳山

之西爲象鼻山尾龍山尙離象鼻山一里許且有河隔之

舊志不確

乾隆志

縣西南二十里

案龍山與象鼻山固是隔河對峙而由象鼻山東

至陳山中斷若門故名石門

嶼山乾隆志縣南二十里

象鼻山乾隆志縣南二十里

龍山縣西南二十五里寶慶志延祐志俱注三十五里其形如龍故名

龍明山下有鰻井龍潭歲旱里人所雨處乾隆志縣東南二

十五里

華四巖山下有華四巖乾隆志縣南二十五里

鈕扣山乾隆志縣南二十五里

潘嶼山縣南二十五里嘉靖志

姚嶼山縣南三十里嘉靖志

練盈山縣南二十里嘉靖志即雙峯山與鄞東鄉聯界其峯

甚尖俗呼尖嘴峯堪輿家謂掛壁金釵乾隆志

丁家山縣西南三十里

嘉靖志

東岡山縣南二十里

嘉靖志

吐山今又名兔山產香薷以端午日採取為佳

乾隆志

縣南

二十里

靈芝山縣南二十里有十景靈芝佛刹小泮雄潮茅洋秋

景蓬萊山色剡瀑潭深鳥石朝霞兩磬夾湍畫絲巖聳羅

峙懸山陳山獅石

陳志

謝閭祥芝山十景引言天下名勝之區每為浮屠氏所有非真浮屠氏之能有之也凡地之有山有水有林泉竹木者稍稍點綴皆為勸輸之地一二好事者游揚傳播屋於其間借焚脩為勸輸之實天下之勝景所在皆是特之遂謂此中大有勝景其綴之以詩而其景之勝益增則無人焉點綴之耳至能綴之以詩而其景之勝益增則其理愈幻也鎮海南鄉普慶菴前此名不甚著晦於昔而著於今則起自淨月上人淨月向侍育王秋遠師其

立志頌高然未嘗以筆墨見五十後始銳意爲詩閉關
寂坐動輒數年詩之敏捷若有得於禪悟者予向嘗爲
評騭而序之後復就善慶菴見聞所及譜爲十景各系
以詩錄寄予閱真若山川林木盡貢巧獻技輻輳於目
前而給賞不暇也噫異矣世間名勝率皆天造地設未
有是菴以前豈無此景而無人焉點綴之吟咏之山川
林木不能自鳴其可喜可愕之致白淨月一爲提唱而
百里內外諸景盡收拾於笑囊瓶鉢之中而歷歷有據
則豈特菴之晦於昔而著於今若有幸不幸哉夫天下
惜文人筆墨變幻不常柳河東游西山銘鉅鐫澤諸記所
敘山水之景絕奇然後人因其記以考其遺趾則一無
所有論者遂意其爲憑虛結撰之文夫無者尙可以爲
有况茲景之誠有者乎淨月

之於普慶其功可不朽矣

胡儲和淨月芝山十景韻

鱗蛟商山往事悠資叢已

盈疇三秀來何許村樹自

稠蠶根超衆卉飛錫等虛

舟喜近天台路琪花不可求

對鰲潮音時入耳帶水亦

盈盈夜月聲初靜晨光勢早

迎巫山穿檻瀕滄海接蓬

瀛不羨匡廬頂蓮花漏幾更

鮮杖錫尋幽處茅洋露

氣香曉珠同皎潔夕照半輝

燿霜染松欹色波搖薜荔

牆中饒雲子石破械足秋糧

嶮三峯浮海上飛翥到

花菴元圃朝嵐翠方壺暮色

寒鳳麟俱入望沆瀣亦分

甘漫說蓬山遠蓬山自可探
曲中遙看泉作練莫辨月如弓
融寒流無斷續聞見究何窮
仙峯嵐氣飄孤岫精光炫幾重
龍谷汲壇應飽雲漿自可逢
濤聲響雪深林溼空山臥虎驚
鳴世外喧仍寂禪心得倍清
尋常霞散紅如綺綵懸翠作岡
昂壁立餘千仞遙看鳳羽翔
落中登臨知不遠瞻對氣先雄
空老僧閑策杖步步欲臨風
嶙峋雁蕩知鄰近龍湫足比倫
馴設法生公到應教色相混
寒山思過訪劉累也能

劉壘山縣南十五里下有泗洲堂

寶慶志

趙家山

乾隆志

縣南十五里

茅山縣南十五里

嘉靖志

今呼名茅洋山

乾隆志

羅峙山

乾隆志

縣南十五里

賈家山縣南十五里

嘉靖志

今呼江家山中有令江少虞墓

乾隆志

吳家山縣南十五里

嘉靖志

鳳窠山縣南十五里一名雞窠山

嘉靖志

白鶴山

乾隆志

縣南十五里

來鶴山

乾隆志

縣南十五里

老鼠山

乾隆志

縣南十五里

長山縣南十五里

寶慶志

有畧亦曰長山

乾隆志

沙嶺山縣東南十里

大跳山縣東南十里

下湖山縣東南十里

鎮海縣志

卷六

山川上

三

蔣灣山縣東南十里

廟灣山縣東南十里

以上嘉靖志

蚶鼻山

乾隆志

縣東南十里

四顧山縣東南十五里

嘉靖志

其端見大海

乾隆志

青巖山縣東南十五里

寶慶志

今名青峙

三台山縣東南十五里

龍頭山縣東南十里側有葫蘆嶠縣令金九成築塞嶠口

建樓於其上以防海夷今廢

以上嘉靖志

竹嶼山縣東南一十二里

寶慶志

泥灣山縣東三里大浹江口與招寶山對峙

簡要志

大嶺山縣東南三里

嘉靖志

竺山東有一峯明倭寇爲亂禦寇者立砦於此山之後因名砦子山北臨大海東注小江扼要地也雍正年間總制覺羅滿保巡邊至此卽命建城加兵防守

乾隆志

縣東南三

里
竺山縣東南三里

采訪冊

雙峯嶼鄞東鄉聯界其峯甚尖俗呼尖嘴峯

乾隆志

七星壑俗呼爲石人頭

乾隆志

十丈巖

乾隆志

獅山東麓懸崖百尺壁立如削東山更有百

丈巖

張錫路詩
復稱岷強嶽
東山東盡頭有巖高百丈此纔十之一亦
巨靈掌陞絕
峯如欲崩峻削難久仰觸疑共工頭擘巖
上十丈已如
鳥不栖壁立猿難
此百丈更可想

烏嶺

沙嶺

錢家嶺

黃泥嶺在長山

以上嘉靖志

布陣嶺宋高宗禦虜布陣於此

嘉靖志

上有亭有菴

陳志

孔墅嶺

嘉靖志

上有亭有菴

陳志

大嶺

嘉靖志

送婆嶺在大嶺東明嘉靖間有嚴樂氏早寡家貧其姑改

嫁婦於城中婦有女十歲隨母入城婦女性皆至孝凡遇

時食婦必遺女踰嶺送姑夏日女度嶺忽中暑死卽葬山

側嶺由是名

乾隆志

姚雙詩 沙逕窄無軹盤曲一棧通掣肘交呀石礙步
紛蒙茸蜀行館神氣高日逼午紅上嶺馬鎚棧下嶺雲
墜空嚴心試危步微爽振海風及茲悲孝女哀響遞狹
城弱魂戀黃草愁鍾慘不封餘貞化枯石突兀祗向東
欺理在天地冠弁懸稱雄箐瘴溺然起
夕色明遠峯攬矜生默感迢迢奚適從

茅草嶺

乾隆志

沙解嶺

乾隆志

上有亭有菴

陳志

梯子嶺

青峙嶺

嘉門嶺

屏風嶺

旃檀嶺

石門嶽

夏渡畧

姚嶼畧

枏畧

張野畧

蔣灣畧

馬家畧

樟桐畧俗呼姜同畧

以上乾隆志

靈巖鄉

樂家嶼山縣東南二十五里

寶慶志

白石嶼山縣東南二十五里

簡要志

下有白石長丈故名

嘉靖

志

靈巖山縣東南三十里寶慶志

瓶壺山縣東南三十里寶慶志注 四十里 上有峯世傳葛仙翁煉

丹之處時得赤土如丹砂遺有方竹旁有仙井歲久湮沒

左右列二小壠中有沼今呼爲靈峯山乾隆志 山有十二景

溪莊綠雪九曲捫蘿西山爽氣仙翁箸竹孤峯卓筆松杪

晚照丹井流香橫門玉案巨壑噴珠石髓甘泉禪關夜月

寺後蜃潭如訥詩 每歲正月初十日香市最盛遠近人連日

踵至盈千累萬嘉慶二十年有奸匪生心謀奪婦人首飾

伺燒錫錠忽於殿後喊聲大起一時奔竄無路踏死者數

十傷者無數自此僧衆逐出香市永行禁止四明談助

陳士繡賦 蛟川之南鄞邑之東天成勝景號曰靈峯
梁武天監建寺於此山之下宋室治平敕徙於深谷之

中西南聯持重之鐵佛東北接不老之天童屏於後有
淨居之梵宇瞻於前有舍利之屬空大瓶壺小瓶壺爲
祭天禱雨之處上菱池下菱池爲浴沂舞雩之風仰觀
銀河樂景星之慶聚俯觀鉅海喜萬派之朝宗遇臘雪
飛山頭先得三分之白侵晨日起海角遙瞻一點之紅
歐陽子勒成碑迹葛仙翁煉就丹功規模奇巧殿閣嵒
嵒山下驛道路居要衝北抵海南抵大嵩平坦之地
盡栽禾黍崎嶇之道多植竹松樵父持斤兮入深谷牧
童扣角兮出高峯靈峯之勝如此靈峯之僧不庸夜則
談經入定日則灌園治農繼前修而無替傳宗風於不
窮

劉仁本詩樓閣煙霞出翠岑瓶壺山色壯叢林天池
水活千峯動松徑人行九曲深魚鼓不傳僧入定鶴童
能作客幽尋巖前桂子紛
紛落散作天花滿地金
蔣如奇詩嵒嵒一柱出煙巒洞隱龍泉下碧瀾鍊石
錦裁天作嶂垂雲織展佛爲壇青鸞有意隨收篋彩筆
何年劈素統老衲不須煩
拜謁峯頭早已寶珠傳
高斗相詩絕壁琳宮峻海門扶桑萬里宛堪扞憑觀
烏兔排波上間眺蛟龍挾霧奔瀑近金泉香雨散樹連

玉几寶雲屯再探勾漏仙

人迹應有神丹井底存

傳德榮次韻 玉几曾敲古寺門轉登九曲把羅門兩

頭擔着詩禪出隻眼驚看歲月奔丹篆題詩蒼蘚合碧

紗籠處綠陰屯從今敢與

山靈約衣鉢相傳萬古存

余寅詩 卻覓山中勝偏宜寺外看不分雲一片但有

路千盤登轉剛風急門臨巨壑寒高仙丹井在茲事已

漫

漫 邵似歐詩 溪水人家繞牛羊徑

路逢野花紅點點相向若爲容

沃堂詩 古利冲霄際攢峯倚日邊瓊雲疑化鶴丹井

欲浮蓮手拂三天界襟披五嶽煙飄然離塵網應作大

羅 仙 謝泰定詩 穿雲登古岫侶雁競摩穹秉石窺龍穴攀

藤躡虎叢竹根松錯節丹竈葉煨紅九轉迷仙徑山山

隱焉 又題十二景 巖龕菴藹濃陰色自勻溪山應不染紅

塵林深未爛蓬瀛雪律轉猶遲寒谷春鐸隕蒼筠翻貝

又題十二景 巖龕菴藹濃陰色自勻溪山應不染紅

塵林深未爛蓬瀛雪律轉猶遲寒谷春鐸隕蒼筠翻貝

塵林深未爛蓬瀛雪律轉猶遲寒谷春鐸隕蒼筠翻貝

塵林深未爛蓬瀛雪律轉猶遲寒谷春鐸隕蒼筠翻貝

塵林深未爛蓬瀛雪律轉猶遲寒谷春鐸隕蒼筠翻貝

葉苔鬆翠薛譜花茵綠衣滿砌無人掃亂舞冰執醉綠
醉臥九轉應知鍊大還仙源有路且躋攀扶筇欲斷
來時徑躡屐旋迷去後山怪石穿雲峯面面薜蘿繞月
灣同梯已遂登臨與猶有行雲爲掩關頻袖碧天
濛雨濯秋空一竈茶煙半枕風腸熱正宜泉石冷時艱
旋喜澤山通力驅名利還身外盡寫雲霞入卷中岸幘
坐聆清竇發峯西流水響梧桐離山圖赤斧煉長生
贏得天工信手成幻化無心方似削靈根有本節重菁
絳筇拄處驚龍吼翠蓋亭來喜鶴橫噴飯已起元箸術
卻令千載共披荆輶筆陡插奇峯瞰海隅三神縹渺望
中野墨濤初漲龍蛇舞筆陣時供鴻雁驅挾藻煙雲堪
點染評章風月費沾濡遙看絕巘芙蓉壁花落霜毫露
滴珠蠟駢蕭森古木秘叢林翳翳蒼根簇晚陰殘照半
隨溪澗落暮雲時傍石崖深輪菌偃蓋霞披晚陰殘照半
龍日耀金影入咸池看反景萬松岡上已千尋翹翹雲
子曾經迥上池金流珠澗水漣漪已無朱草煙丹竈剩
有黃芽煉石箕芝髓初凝蘭作佩瓊膏應屑玉爲肌靈
源不斷芳風遠縷汲銀牀可療饑瓊牒山開靈鷲紫雲
高四合巖巖萬壑羅秀出招提聯玉宇高懸髮塢與崇
阿霞橫几袖翻經帙香裊晴嵐供佛陀調御座收元對
閣珠林豈納石如螺鉅鯨千流匪壑噴飛泉萬斛明珠
濺九天疑戰浴龍翻石浪怡驅陣馬吼長川靈蛇脚去

酬無價合浦還來國有賢聞說冰壺聲夏玉洪湍一濯
 體皆圓石鑿地乳初澄碧一泓溯流山骨體晶瑩露承
 仙掌瓊漿溢滋味出神樓玉醴清滿引絕勝三伐髓甘分
 豈讓九還精靈泉振古無時竭丹鼎猶堪永紫英輝騰
 山房寂寂夜沈沈一鑑當空已見心碧水光涵秋萬里
 清輝影碎樹千林玉壺冷浸寒燈色金磐風傳韻梵音
 沙界霽圓塵不染松濤半偈氣陰森對巖入道還憑鍊
 性眞飛潛變化總能神千年雄伏雲雷動咫尺蛇交風
 雨屯咒鉢已聞龍見爪緇經更有蜃攀
 鱗販依佛土參禪定一躍空潭頭角新
 邵似雍詩孤峯壁立正新秋閒過溪橋趁水流籬竹
 引孫當戶出園茶結子倩人收身因檢節還多健貧到
 風流不會愁行盡烟光三
 十里夕陽猶挂遠山頭
 沈士穎詩十里峯巒孤入山隱其秀山亦不改觀難
 爲衆峯固古刹列雲霞縹渺依山岫佛多好勝心恐出
 仙靈後巢棲木石巔下觀巖壑湊山高易作雲隱顯神
 靈祐我來風雨交花落樹枝瘦路澁絕行蹤山僧臥清
 晝靈境惟一閒幽奇空宇宙出世良在茲持此爲佛壽
 李郭嗣絕頂望壑同徒趣未闌倦足洽巖萼仰望空
 嶺交木末接雲脚取徑凡幾盤危級開華碕屢曲勢小
 紆遂爲引遊屬蒼鬱下望深五里傍巨壑冬嚴瀑舌瘡

洞隙踰老獺黑蜨枯不潛叢陰溼氣零曉石劍杪鏤奇
鬼森相撲山僧愛聽泉新竹緝虎落余來錫盞間塔立
荒哀樂對此悔平生早被章句

縛歸攜幸不廉翠嵐貯滿橐

謝秉昌詩看山何必高孤峯與峭壁看水何必深長
江與大澤相遇以情性動靜固無迹我非斯人徒步屨
隨所適行行邈人境春山草都碧有時懷仙翁丹竈訪
遺蹟溪聲雜竹聲日夜流不息閒聽野鳥啼清風披兩
腋手持竹如意溪頭敲巖石身與世俱忘俯仰傷今昔
冥坐絕觀聞山鬼吹燈滅寂寂虛籟生深夜月初白
僧如誦長歌靈峯山直矗芙蓉霄漢間世人等閒難
躋攀雖非天上迥隔塵寰離門夜守蛇虎頭澗草巖花
生殊顏月可捫星可摘化著仙翁餐石液飛流捲霧寒
冥濛松清吼翠雲痕籍巖谷之人容貌癯卻亦不染風
塵色粥也消飯也消六時鑲香挺牢牢火種刀耕力不
疲俾令身穀長心苗但自懷中蠲黑業從他雲裏現金
毛生公石太饒舌以何法得何說而今再作點頭時一
棒粉碎思議絕無情有情免分別沒伎倆沒設施門庭
常似凝冰漸縱使黃河凍連底鋤頭高枕不須疑昨夜
五更風雨惡鷓鴣罵得綠楊錯桃李不言自不言誰謂
東君重然諾不然豈有背時花紅白交加互開落懶參
禪兮懶持戒疎散因中明自在赤豆未芽且須種肯與

時人脩敗壞捏空說有誣龜成蔡響後聲前是何疆界
忙閱筆快住口伯倫荷插非關酒但教遇處便可埋人
人有此解脫否直合死水不生波好來聽我靈峯歌浮
雲豈礙青天多雙眼高懸空綠蘿忒殺嗟殺大申朝暮
似與日月而同窩

又題十二景
寒欲認吾家修竹裏洞橋過了第三灣
拒行蹤玉削芙蓉九曲通樵子不須愁路晚上方清磬
月明中麴軸幻影脩然洽薜蘿閒中歲月共婆娑朝來
倚杖尋詩快爲把西山爽氣多
戲地竹箸便抽芽能孫或自隨灰劫但有名存實已賒
韓韞兔穎由來有許長何年卓向寺門傍毫端蘸取明
河水日月臨空寫二王
片帶歸鴉牛羊聽慣平岡笛引出溪灣各認家
眼還從洗藥問青芝瓊草隱根荻只今但有澄清水飲
着能令老轉孩
恩莊嚴法衆安瓶鉢擁護如山靈故獻奇驅將翠玉當雷
石扇開奔流噴激跳珠回難言不是崑崙注那得時聆
洞壑哀石裏無鍼線窮通涓涓流注四時同莫言
潭小難供衆一任人天飲不窮
悟取虛空不礙天數衆清緣深坐夜一輪明月炯譚禪

詩麟蛇欲成龍似伏胎吐吞雲氣亦雄哉待他爪甲風雷附自入山僧鉢裏來

小瓶壺山今呼爲永福山上有正筆峯

乾隆志

縣南三十里

烏石山縣南四十里山巔石色黝故名有巨人迹闊六寸

長一尺五寸云是佛迹世傳舍利始自此山飛入阿育王

山

嘉靖志

道宣感通傳云晉太康二年并州離石人劉薩訶

生業弋獵因病死而復蘇云在其中見一梵僧語之曰汝

罪深重應墮惡道今洛下齊城丹陽會稽並有古塔及浮

江石像悉阿育王所造可勤求禮懺當免斯苦薩訶更生

乃祝髮爲僧更名惠達東詣鄮縣入烏石畧結茅以寓徧

訪海涖名山忽一夜聞土下鐘聲卽標識其處越三日見

梵僧七人行道空中地形如湧爲方壇狀神光照映因斲

土求之得一石函中有舍利寶塔六僧騰空而去一僧化爲烏石因以名畧焉又案會稽記云晉相王導初渡江有道人神采不凡自言來從海上告導曰昔與阿育王同游鄮縣安真身舍利塔阿育王與真人捧塔飛行虛空入海諸弟子攀引不及一時俱墜化爲烏石如人形名僧傳云昔有神人捧塔飛行海上弟子中有未得道者墮地化爲烏石猶作人形上有袈裟文至今村名塔嶼畧名烏石乾道經今烏石在寺前數里屬鄞塔嶼村相去又十五六里屬定海寶慶志

李郭嗣詩習僻厭平阡歧道入榛莽竿足不肯回牽拂堅初往稍進益無天竹葉大踰掌隙處觸纖雲日脚不落壞視體若偃松漸偏安得仰兩袖猶翅張冒棘先用桑導者未識誰後趾躡前轡人獸盡無音但聞碎籜

響三里幸出叢目光久曠曉始見樵子行迂我反山魍
既出賀險盡瞻前乃復料小憩對古松支離賴此叟
策足恥言疲終落僕夫後山人指爪強拘竹如均韭憐
余進一莖茲意感君厚忽若當顧危倚身得奇友山魍
不敢爭穴潭戰蚺膠翼足若漸輕影
逐孤雲走大爲二子云騰嶽等培塿

新路山縣南三十里

蘆山縣東南石湫浦寶慶志離城三十里

金泉山一名嶼山在靈巖山下郭家橋北從平陽突起一

山高數丈廣二百餘步上有沙土如金相傳靈巖鄉之要

地公禁報壘乾隆志縣南三十里

布陣山山腰有澈水巖乾隆志縣南二十里

莊嶼山乾隆志縣南二十里

白蒲山乾隆志縣南二十里

青葉朵山

乾隆志

縣南二十五里

黃葉朵山

乾隆志

縣南二十五里

西瓜山

乾隆志

縣南二十五里

粉箕山

乾隆志

縣南二十五里

挑米山

乾隆志

今名算面山縣南三十里

鳳凰嘴山下有蛤蜊巖

乾隆志

縣南二十五里

鉢孟山

乾隆志

縣南二十五里

石棚山

乾隆志

縣南二十五里

狀元山

乾隆志

縣南二十五里

馬鞍山

乾隆志

縣南二十五里

鍾家大山

乾隆志

縣南二十五里

鎮海縣志

卷六

山川上

罕

王几案山

乾隆志

縣南三十五里鄞鎮交界

廟山

乾隆志

縣南三十里

嶼山

乾隆志

縣南三十里

眠牛山

乾隆志

縣南三十里

朱家山

乾隆志

縣南四十里

南山

乾隆志

縣南四十里

石塔山

乾隆志

縣南四十里

宋家山

乾隆志

縣南三十里

孔墅山縣東南二十里

曹府志

卽孔墅嶺山

乾隆志

陳夢蓮與邑令唐磐菴及弟嗣桓登山看紅葉才到
秋來天地老追隨游歷挾江道極目蕭蕭蘼葦蒼學步
孔墅登山腦下看世界盡堆金放眼大地直綴寶云是
楓柏點染紅千山樹頭見瑪瑙瑪瑙似耀河陽春錦城

素秋增華藻老幹扶疎鋪晚霞紛飛赤鱗疊茵草枝間
聯絡水晶珠何必仙鄉問瓊島把杯色映鸚鵡危坐裏
笑談窄大造只知紅雨落桃花豈知紅葉盈膝抱醉來
漫看照紫薇席前長吟歌浩浩勝遊此日快登臨頓忘
禮教序交好攜手山麓日未曛僧言餒井水冽瀨廉泉
汲取鑄沸烹師出芽茶消煩惱劇談今古焚蘭香學海
懸河資探討經濟文章山斗推筆陣雄奇千軍掃前有
子方後荊州於今受益觀身深鐘鳴梵靜月三更山鄰
雞聲報曉早

算山縣東南二十里

嘉靖志

上螺山

乾隆志

縣南三十里

下螺山東南有長山司土地祠

乾隆志

縣南三十里

舉子山

乾隆志

縣南二十五里

三山上下二座舊與舉子山隔海康熙間總鎮藍理與賊

戰賊敗沒於此今漲成塗隸穿山場刮土辦課

乾隆志

縣南

二十五里

布陣後山

乾隆志

縣南二十里

賀郎山

乾隆志

縣南二十里

鷹山縣南二十里

采訪冊

西山

乾隆志

縣南二十里

穀堆山孔墅嶺南

乾隆志

縣南二十里

鯉魚山算山南

乾隆志

縣南二十里

清涼山蛟門側

乾隆志

縣南二十里

鳳凰山縣南三十里

采訪冊

白石嶼巖在白石嶼山麓

獅子巖在小瓶壺山

佛國巖

靈鷲巖

七佛巖

靈巖在靈巖山腰疊石二塊上天下小閣二丈高五丈相傳有神附此求禱必應故名靈巖

善才巖上四巖俱在大瓶壺山

疊石巖在石馬嶺山有大石二其下底石樹立長丈餘形如棗核上疊一石勢欲墜旁有方石一塊名棋盤石世傳有仙人坐此對弈故名

天落巖在疊石巖東康熙元年二月時當正午晴明無風雨此巖忽從山頂移至山腰去舊址二百餘丈其移過山

土俱成深坑迹猶存

以上乾隆志

鷹峯在大瓶壺山

乾隆志

金墩

乾隆志

靈峯嶺

育王嶺

楊承鯤詩

去去盤雲轉高高望海行到山千澗響入

谷萬花明邸

壑夢嘗往煙霞疾未成興來還不淺翻劇

子規鳴

東行海色分百里度氤氲危路幾通騎飛泉

亂入

雲佛衣千古纖越石五重紋日暝趨林近鐘聲宵

宵

聞

孝順嶺在育王山

黃牛嶺在烏石山

以上嘉靖志

田頭嶺在嘉溪

采訪冊

朱家嶺在瓊瑤河采訪冊

缸窑嶺乾隆志

五嶺乾隆志

松鳴嶺乾隆志在新路山采訪冊

李家嶺在小瓶壺山

萃嶺

蒲嶺

韓嶺

大嶺在大瓶壺山後

石馬嶺在眠牛山後

演法堂嶺在賀郎山北以上乾隆志

山川上

泰邱鄉

鬼嶼山縣東南有石蓮灣好事者易名寶嶼山

寶慶志

離城

三十五里

曹府志

細子山與鬼嶼山皆置烽堠

簡要志

縣南三十里

小三山縣東南四十五里

寶慶志

秀峯山縣東南六十里山下古柏甚巨唐朝舊物

延祐志

飯鑿山縣南三十里

寶慶志

以形似故名山後巖洞廣可居

人其旁林木叢茂相傳神靈處此

陳志棄

寶聚山今呼爲煙鑿山又呼沙岡頭山

乾隆志

縣南四十里

塔嶼山

乾隆志

縣南四十五里

姚燮記 困霖六日天始方晴與鄂史爲塔嶼之遊殘雲尚行足與之逐宿鳥皆出亦悅其飛遵臆泝者十二

里穿蛇溪者六七灣岡巒複沓林篠幽邃煙光不凝散
作碧霧日氣所到時得異芬欲出磴凹大溪前阻忽轉
崖背來路已迷亂峯抱罌身自置於最下暗樹夾巷意
惟恐其不深天界別開佛約斯踐是為唐刹今名華嚴
手闢元扇膜拜極象維僧試扇衲有松花之香古鏡淪
茗水汎蓮葉之色偶觸清磬凡心已空一凭層樓世眼
都換憶我塵夢於斯焉若歸嗟彼山泉不知其所逝衰
衷云从獻歌出門踐虎眼嶺之荆棘尋王弁州之祠堂
豈其竺國禪書不通半偈何以詩家衣鉢能擅五言乎
導游者金子墨林卽飯於其宅賞饒而返蓋已野色吹
塵羣牛下坂夕陰滿壑萬樹生風矣

雲巖山縣東南五十里

嘉靖志

盤界山縣南七十里

曹府志注

水繞太白山陰而出凡三

十六盤

寶慶志

宋名儒習菴先生陳墳墓在焉

延祐志

謝秦宗詩 曲曲灣成斷澗橋忘歸洞口石門遙水深
不渡桃源境雲影遊空松蓋飄百里地無三里直十家
煙絕七家燒巾嵐起霧山開瘴柯斧穿雲路有樵屐齒
三秋紅葉裏雲囊兩袖紫霞標漏天未雨凝空翠密樹

鎮海縣志

卷六

山川上

四

層陰散沆寥波底影空濛上月耳清音奏海

門潮千峯共逐斜陽暮山外還疑德士招

謝泰交遊盤輿歸途遇雨蒼涼古道石顏斑夢入盤

侯數十灣白上山頭雲出定馬嘶一片過松關入林

人破白雲平小憩山菴餐落英羸

得歸輓乘雨急九溪萬馬一齊鳴

謝緒章詩短衣竹杖入溪山灌穫同忙物盡開闢水

纖魚時出沒呼名小鳥自問關蕭蕭木葉飄無已漾漾

清流去不還豈為荒山愁

日暮久疎定省欲躋攀

慈輿山縣西南九十里

曹府志注

耆舊相傳左慈嘗隱於

此故以為名

寶慶志

有石棋枰上有慈輿打酒二嶺達大嵩

千戶所等處

簡要志

項舜年慈峯記自太白發脈以水蜿蜒曲折數十餘

里而岷然聳起則有慈峯焉較諸山為獨高亦較諸峯

為獨秀而左右諸山層巒疊嶂環抱奔赴五里有奇乃

得酒泊泊之橫水巨洋截然以欄之其中地步寬廣

泉甘土肥草木暢茂倘所謂洞天福地非歟觀夫慈峯

之下東為林師輿西為林家居相去不過里許結廬二

百餘家其人皆黃河野服時而耕耘前去碧水千畦時
而蕉採歸來白雲一塢行歌互答此樂何極余固知其
風景之美初非城市之秋隘囂塵所得髣髴矣而獨念
峯以慈名何哉柯君東帆爲余告曰昔先人左慈曾煉
丹於此故曰慈峯是說也余竊疑之左慈之事見諸稗
官野史之間其出而戲弄魏武也龍鳳之肝可以畫壁
而取松江之鱸可以列盤而釣入羊羣則首可以墜繫
狂獄則身可以辱幸乃乘風駕鶴飄然遠去而徜徉自
適於雲霄間誠神仙之羽化朝則蓬壺圖嶠暮則洞庭蒼
梧瞬息千里行蹤定安知其不愛此峯之高聳僻靜
而雲游以及之也况左右兩山皆曰仙人山其或羣
仙會聚而同遊之其曲耶慈峯之頂有棋枰石焉昔
之採樵者信之其或局終柯爛而或有隱或見如武
陵之桃源不可得而復遇耶慈峯之下又有仙人之洗
脚石其或如黃石公之於圯上而呼子房以納履耶是
皆未可知者也顧以慈峯之峭拔而摩天也雖陳希夷
之華山王子喬之緱嶺曷以過此如慈峯而果爲左慈
所居也固仙境也卽左慈而未嘗於慈峯也亦不失爲
仙境也又何暇辨仙人之慈或有而慈稱晉之隗叔其母
之童姑汲溪水以供慈母而溪以慈稱晉之隗叔其母
嗜江水天生一石以便挹注而石號孝子今峯曰慈峯

其前面之洋曰孝順洋一似是峯之下有慈母倚門而望而其子時入此洋如王祥之臥冰求鯉以孝養其親故後之人因之以命名歟然此不過私心臆度之詞又安敢據為實事以欺後人而誣後世也哉是為記

啟霞山縣東南七十里

寶慶志

後海山縣東南六十里

曹志注六十五里 上置烽堠簡要志

穿鼻山在合畧之南山西南為鄞界

乾隆志

縣南九十里

慈峯山為慈畧之主山

乾隆志

縣南八十里

鴛鴦畧山

乾隆志

縣南四十五里

嘯天龍山

乾隆志

縣南五十里

丁山

乾隆志

縣南四十里

黃山

乾隆志

縣南四十里

支家畧山

乾隆志

縣南四十五里

姚雙記 是日也更探幽於支家壘之山其去排陳嶺
而南者約二里循阜以進若忘磴級之已高僂厂而矚
始見平陌之在下隔柳區菅之女水香上雲負笠拾橡
之童樹影在背空山如待白雲未歸午薰正濃黃蝶時
見暗草一壑置酒以無名之花喬松十尋上有獨立之鳥
客忽思飲欲置酒其巔我行且前敢破巖而入新棘沒
馬微覺露涼墮葉到衣隨有風掃取徑三折始踰一溪
溪行夾山放水作黛色水勢激石故溪有玉聲其源之
遠云隔十里以外此境所關定在百年之中千仞而下
忽聞樵歌兩峯相交正露茅屋猶犬不畜因僻無外人
靈猿倘栖可役之代僕雖恆遊覽頗知倦勞適與客敏
幽居之屏吸新摘之茗安榴初萼供靈姑以助粧冰桃
欲肥憶鯉魚之上市別有歲歷迥非人間相依妻孥警
適之夢無擾嗟彼異地兵燹之劫正危因爲之陵崇岡
眇遼海島嶼明滅過無片帆水天混茫飛有靈雁思仙
人兮黃鶴逝發浩歌兮長髮來顧我儔侶均不知感之
何從生也相與出山遵塗而歸回首瞻望惟斜日挂於
林梢而晚煙封於谷口也連類記之以存鴻爪時四月
十八日

城灣畧山志 乾隆縣南五十里

鎮海縣志

卷六

山川上

巽

牌門頭山明里人石廣四輸粟賑五邑饑敕賜為國捐助

四大字牌山因是名乾隆志縣南四十五里

獅子山乾隆志縣東南六十里

林大山乾隆志縣東南六十里

曹起謙議畧靈巖泰邱海晏三鄉巍峯特聳屹立海岸者林大山也東撫黃琦過西顧蛟門北控金塘洋其山麓南至上傅山即傅家園內外地平原表延凡霞浦大胡陳華鋪朱家塘諸村之聚處而居者俱羅列其間東西所接亦民稠而地僻其河道所通又長至五六十里若加以城衛則內港外洋皆得而扼制之是茲山實甯郡防海之要區也在昔有明猶屬潮汐泥塗無可建立今則山外數里漲為高平大陸仍僅置烽火臺似覺地重而防輕云

茶曹山縣東南六十里上置烽堠簡要志

洪魯山縣東南六十里嘉靖志下有魯沃氏世居邱府志

岡頭山乾隆志縣南五十五里

球魯山對獅子嶺形圓如球故名乾隆志縣南五十里

柏香山一名柏香巖乾隆志縣南五十五里

案延祐志誤注柏香巖在啟霞山

長山山背有仙人几世傳仙人手談處下有龍潭深廣數尺泉自石罅流出甘潔異常久旱不涸乾隆志縣東南六十里

盤磨嶺嘉靖志

孤嶺嘉靖志上有亭與鄆交界采訪冊

柏香嶺在柏香山嘉靖志

啟霞嶺嘉靖志

鎮海縣志

卷六

武愛文詩 一徑通行處盤迴到啟霞三山多虎迹廿里少人家深間藏雲密層嵒礙日斜蕭疎歸路急歷亂聽羣

獅子嶺

嘉靖志

上有靜嵐亭

采訪冊

排陣嶺

嘉靖志

盤壘

慈壘有上下器之分

合壘壘內岡嶺四合中有小壘直出分列東西至壘口合

爲一故名

網壘

雲同壘南卽啟霞山

大城壘

小城灣壩以上乾隆志

海晏鄉

紫石頭山縣東南六十里寶慶志注以石色得名陳志

雲霄山縣東南六十里寶慶志注下有雲霄三公廟嘉靖志

正筆山縣東南六十五里俗名飯甑山陳志上有文昌閣

采訪冊

楊人模記 蘆江書院之西北隅有小山焉形如覆釜
兀然孤露郭璞葬經所稱獨山童山者似也問其名或
曰飯甑山或曰甑巒山二者亦莫適所從自書院既建
有助田者閱其書券則山以正筆名余始恍然於向所
稱飯甑甑巒者皆妄也惟是正筆兩字乃唐之諍臣柳
誠懸工於書法嘗以筆諫穆宗曰用筆在心心正則筆
正旨哉斯語書法而係乎心法以柳公之人品學問現
身設法宜有此諫獨怪此山亦何自而有此名哉且
有踵說襲謬溺於無稽之口者有年矣因書院而有
助田之事因助田而識山名之正又其山適與書院咫尺自

今操觚之士或有如柳公其人正乃心以正乃筆者必將瞻望是山欽其名而拭目視之然則山亦幸矣哉何期獨且童者而一旦有此遭也前朝侍御史沃文淵公所建五馬橋就圯嘉慶丙寅鍾君上達胡君耀南鳩衆資而重修之屬余爲柱聯語橋與山與書院鼎足而立周圍不過半里許爰卽景占一聯曰筆山遙映虹千尺蘆水常留月半規因有觸於山名故復爲此記使誤者正之

穿山縣東南六十五里

蜈蚣山縣東南六十五里

瑞巖山縣東南七十里

寶慶志注九十里曹府志注八十五里

山有十二峯

宋大中祥符五年有芝草生於青松峯之下守臣康孝基奏奉敕獎諭云和氣所蒸靈苗載育時惟珍物著厥祥經

省覽貢陳良增嘉愧想宜知悉詔碑具存

陳志

鄭珞詩

十二峯巒巒紫芝之瑞草不知秋一聲黃鸝同首知仙人在上頭

王世宇詩 素慕巖多瑞尋芳果不虛
徑得幽餘海外神仙府山中隱士居
玩遊殊未了頓覺出塵

區

楊真詩

曉霽空亭獨立閒青蒼松靄滿

松閣一聲啼鳥萬山綠無數白雲相往還

新奉繁清齋供一飽道味好同論何得御塵網重來禮

尊世

周茂榕臺城路詞

寺門秋色清如許引人漸入深宵

灰路埋煙短橋跨水歷亂四山迴抱斜陽樹杪問萬葉

聲中我信吟老眼底荒寒忽聽疎磬度林表我來偶

寄遊興見幽花媚客隨意簪帽隔洞呼猿傍崖招鶴十

二峯頭尋到危臺孤嘯指翦月亭低

伴雲居小仙夢今宵玉芝和露切

虎樞山

乾隆志

俗呼火樞山縣東南七十五里

真武山

乾隆志

縣東南八十五里

無名氏詩

巍然獨坐聳雲霄遙瞰蛟門若

動搖澗畔蛇流劍氣橫欄大海壓波濤

鎮海縣志

卷六

山川上

巽

照天龍山

乾隆志

縣東南八十五里

鳳凰背山

乾隆志

縣東南八十里

聖山

乾隆志

縣東南八十里

無名氏詩

大樹鍾靈何處來兀然防海作崔巍綵旗

自昔丹楓繡寶甲皆從白石裁密遣貔貅埋島嶼明施

獨峙山

乾隆志

縣東南八十五里

崑山

乾隆志

縣東南八十里

崢山

乾隆志

縣東南八十里

清谷山

乾隆志

縣東南八十里

中嶺山縣東南九十里

嘉靖志

福泉山有釣巖聖井遇旱禱雨澤隨應

延祐志

縣東南八十里

里

金忠詩 萬仞青山一脈泉四時佳氣接
蒼天片雲忽向峯頭起更有甘霖濟旱田

陸寶晚至白鷗莊將以次登福泉山 舟停昏黑問山
莊山影分隨客滿堂孤月墮階盈尺水籬花穿屋一隅

香喉傳詩響何嫌細足試游筇每關長
遠憶名藍雲嶠外玉毫先此照迷方

王王書詩 久幻奇觀絕可看道人不會也盤桓啼山
止有烏雙曉臥室還多龍一寒入海秋容眞善變憑高

遠思愈難刊茲來已領山
靈訊嵐得煙霞客帶寬

明慧山縣東南九十餘里 嘉靖 嶺名縣嶺達定海衛後千

戶所簡要
志

雙石人山五峯山之第一山兩巖並峙如人狀當天朗氣
爽時晴嵐橫截山脊石人變幻多端若雲霧遮蔽必有大

雨農人於此占晴雨焉 乾隆 縣南八十里

曹昌雙詩 雨櫺風沐久蒼花色
深黝應憐望夫人終古傷無耦

五峯山 乾隆志 縣南八十里

烏埼山 縣東南一百十里 寶慶志 俗呼宋高宗南渡曾登此

山 延祐志 置埼頭巡檢司 簡要志

梅山 縣東南一百十里 嘉靖志 上置大嵩巡檢司 簡要志

箬雷山 縣東南一百十里 嘉靖志 有箬雷龍神 乾隆志 山最高

探樵者時聞上有鼓樂聲 見同紀述

東大山 縣東南一百二十里

三塔山 縣東南一百三十里

下澤山 縣東南一百三十里

大塗山 縣東南一百三十里 以上嘉靖志

上王山有龍神又名蝦康山有臺亦名蝦康乾隆志縣東南

九十里

照山又名鐵爐山山之旁有舖基遺址乾隆志縣東南九十

里

獅山下有康頭營汛屋乾隆志縣東南一百里

鶴山乾隆志縣東南一百里

龍山與鄞邑界狀如游龍四明發脈迤邐自南而東北至

此乾隆志縣東南一百里

鳳山乾隆志縣東南一百里

蛇山乾隆志縣東南一百十里

龜山乾隆志縣東南一百十里

碑塔山下有嶺有輿皆以碑塔名乾隆志縣東南一百十里

白巖通仙洞乾隆志

劉懷瑾記聖山之西真武之北有岡曰白巖岡下有洞謂之通仙洞父老曾言此洞當陰雨時常聞鼓吹聲後鐵牌禁之遂絕疑此說成誣後遊此岡登山數十丈遙見巉峭枝層巍然有欲墮之勢者即白巖山攀躋而上至巖東北果得一洞杳深莫測若神仙所棲洞口得一仆碑字迹磨滅不可稽考始信父老之言不予欺云

釣巖乾隆志在上王山采訪冊

瑞巖嶺嘉靖志上有鎖雲亭采訪冊

石家嶺下有王家陸

崑亭嶺

母嶺以上嘉靖志

蛇肚嶺

茅公嶺

楊家嶺

高嶺在福泉山

小嶺通蝦康

聖山嶺

稗輿嶺

中嶺

嘉靖志

下有礮

以上乾隆志

黃土嶺

嘉靖志

廟嶺

乾隆志

分水嶺

乾隆志

康頭嶺

嘉靖志

風鵬嶺

乾隆志

蘭就嶺

乾隆志

樺木嶺

乾隆志

今名樺樹嶺

采訪冊

饑飽嶺

龍爪嶺

唐家畧

印家畧

徐家畧

虎巖畧

黃家畧

陳家畧

蘇州畧有龍神明代敕封

撩節畧

黃婆畧

崔西畧

裏畧

夏畧

以上乾隆志

鎮隅

鍾靈山

乾隆志

縣東南六十五里

毓秀山

乾隆志

縣東南六十五里

睡龍山

乾隆志

縣東南七十里

護城山

乾隆志

縣東南七十里

吉祥山下有巒

乾隆志

縣東南七十里

霞嶼山縣東南一百里

嘉靖志

南屏山

乾隆志

縣東南六十五里

沙嶺山

乾隆志

小疊山

乾隆志

縣東南七十五里一名黃冠山

總臺山打石坑王家坑黃泥蛟諸路溪水俱由山下出大

斗門

乾隆志

縣東南九十五里

石王廟山

乾隆志

縣東南六十里

灣山

乾隆志

縣東南九十里

斗山石巖如斗故名

乾隆志

縣東南九十里

岐頭山

乾隆志

縣東南一百六十里

密岡山

乾隆志

縣東南八十里

肥峙山

乾隆志

縣東南八十里

南蔡山

乾隆志

縣東南八十里

金家山

乾隆志

縣東南八十里

張捕山

乾隆志

縣東南八十里

下林山

乾隆志

縣東南八十里

遮山

乾隆志

縣東南八十里

石家畧山

乾隆志

縣東南九十里

繞山

乾隆志

縣東南九十里

竺嶺山

縣志

縣東南九十五里

跳頭山

乾隆志

縣東南八十里

市壘山

乾隆志

縣東南七十五里

白峯山

乾隆志

縣東南八十里

青龍山

乾隆志

縣東南一百二十里

安瀾嶺

寺山嶺卽縣嶺

雙畧嶺

迷磨嶺

歡喜嶺

霞嶼嶺

大塗嶺

袁家嶺

新大嶺

郭山嶺

後墩嶺

竺嶺

鐘嶺

三塔嶺

黃鑲嶺

紅花嶺

石家大畧

李衙畧

盛畧

臺畧

雙畧

司前畧又名司城畧

謝家畧

蔣家畧

紫薇畧

良將畧內有田二百餘畝

霞嶼畧內有田五百餘畝

以上乾隆志

案乾隆志載官莊門浦兩山間諸土人官莊無山

門浦兩山卽箸雪山又載大榭小榭昌國岱山皆

屬今定海從刪